



BIBLIOTECA NAZ.
Vittorio Emanuele III

XXIII

A

14

NAPOLI



Auctore Petro Bourdin
ut ex Epistola nuncu
patoria

PRIMA

GEOMETRIÆ

ELEMENTA.

Ad vsum Academiae Mathematicae
Collegij Claromontani Societatis IESV, Parisijs.



PARISIIS,

Apud PETRUM BILLAINE, viâ
Iacobæâ, sub signo Bonæ Fidei.

M. DC. XXXIX.

Cum Privilegio Regis.





LECTORI
BENEVOLO.

Doludimus hisce
primis Geome-
ria Elementis in eorum
rationem, qui Mathesim
videm nosse volunt, &
hinc frui deliciis, adyta
ero, & operta myste-
ria ob studia alia, quibus
sunt intenti, reformi-
ant, daturi Deo fauen-

te Geometriam integram suo loco cum cæteris Encyclopædiæ Mathematicæ facultatibus. De cætero te si novitas agendi, demonstrandique mouet, adi notas Geometricas; ac, si tibi illæ non fecerint satis, *Examen Geometricum*, quod suo tempore fiet, expecta.

PETRVS BOVRDIN.
è Societate I E S V.



MONITVM.

VT notæ, quæ sunt ad marginem, intelligantur facile, littera **T.** significat Theorema. **A.** Axioma. **D.** Definitione. **P.** Problema, ac sic interpretabere **T. 2.** Tertium Theorema libri secundi. **2. A. 3.** secundum Axioma libri tertij.



Introductio.

1. **T**riplex est Geometria : Speculatiua , quæ tota est in considerandis proprietatibus magnitudinum: Practica , quæ in efficiendis figuris versatur : Mixta. quæ partim speculatur, partim agit. Speculatiua habet Theoremata : Practica Problemata : Mixta denique Problemata Theorematis admittet.

2. Theorema est propositio definita de subiecto aliquo proprietatem demonstrans.

Ita de triangulo Isoscele of-

INTRODVCTIO.

adit tanquam proprietatem, quod in isoscelis angulos, qui sunt ad basin, esse inter se æquales; ac propositum illud suum definitè offert, hoc modo. Isoscelis anguli anguli ad basin sunt inter se æquales.

3. Problema est propositio definita modum aperiens efficiendi aliquid certò.

Ita modum tradit describendi trianguli æquilateri; ac propositum suum effert indefinitè hoc modo. Super data linea triangulum æquilaterum constitüere.

4. Elementa Geometriæ speculatiuæ sunt generalia quædam Theoremata, quorum usus est frequentissimus ad intelligenda, & demonstranda, quæ in Mathematicis fa-

INTRODVCTIO.

cultatibus sunt occulta.

Nempe vt Elementa vulgo appellantur ea corpora, in quæ insoluuntur mixta : ita Theoremata illa, in quæ resolui solent mathematicæ demonstrationes, Elementa vocari possunt. Aut sane, vt is, qui literas, & elementa nouit, potest legere obuios libros : ita qui Theoremata illa generalia habet perspecta, facilè adit, & capit obuia quæque ex Opticis, Astronomicis, & similibus.

5. Elementa Geometriæ Practicæ sunt Problemata quædam communia, quorum vsus est frequentissimus in effectiōe rerum mathematicarum,

Nempe vt Elementa appellantur ea corpora, ex quibus mixta componuntur ; ita pro-

INTRODVCTIO.

mata illa, quæ passim efficiendis rebus mathematicis inuiunt, vocari possunt Elementa. Atque vt is, qui nouit formare literas, exarare potest, & exprimere quæuis uerba, & sententias: ita qui oblemata illa communia habet ad manum, facile potest à quæuis præstare.

6. Elementa Geometriæ mixtæ partim ex theorematibus speculatiuæ, partim ex problematis Practicæ componuntur. Talia sunt Elementa Euclidis, qui Geometriam Mixtam est complexus.

7. Geometria Speculatiua onnihil supponit: scilicet Possibilia communia, & Principia prima, siue Axiomata.

Possibilia illa communia

INTRODVCTIO.

sunt ea, quorum habentur definitiones, vt sunt Triangulum, Quadratum, Circulus, & quæ cum iis necessariam habent connexionem, quale est illud. A quouis puncto in quamcunque partem duci potest recta linea, & similia, quæ suo loco afferentur.

Principia vero, aut Axiomata sunt Propositiones quædam per se notæ, & quæ sola egent explicatione terminorum. Tale est istud. Omne totum est sua parte maius.

8 Geometria Practica nonnulla etiam supponit: nempe Postulata quædam, nec non & Possibilia, & Axiomata, & Theoremata speculatiuæ.

Postulata vero illa sunt Nonnulla tam facilia, vt recusari

INTRODVCTIO.

non possint. Tale est illud. A
iouis puncto ad quòduis pun-
tum liceat rectam lineam du-
cere.

9. Geometria Mixta suppo-
nit & Possibilia, & Postulata,
Axiomata.

Ita Euclides præter postula-
ta, & axiomata, quæ adduxit
interim in aditu Geometriæ suæ
mixtæ, etiam supposuit tan-
tam Possibilia ea, quorum de-
finitiones attulit, & quæ sunt
cum iis coniuncta, vt videre est
in notis geometricis.

10. Geometria Speculatiua,
eiusdem ac Mixta, vt propositū
theorema demonstrent, inter-
im sine vlla præparatione de-
monstrationem aggrediuntur,
interdum vero præparationem
aliquam, aut requisitæ rei con-

INTRODVCTIO.

structionem præmittunt, sed peculiari sibi modo: ac Mixta quidem absolutè, Speculatiua vero conditionalè, vt ex notis intelligetur.

GEOMETRIÆ



E O M E T R I Æ
S P E C V L A T I V Æ
 LIBER PRIMVS.

DEFINITIONES.



Unctum est, cuius pars nulla.

2. Linea vero longitudo sine latitudine.

Lineæ autem termini sunt puncta.

Linea recta est, quæ ex æquo sua interioret puncta. Talis est; A B non vero C D.

D 5. Superficies est, quæ longitudinem, & latitudinem tantum habet.

2 *Geometriae speculativae*

6. Superficiei autem extrema sunt lineæ.

7. Plana superficies est ea, quæ ex æquo suas interiacet lineas.

8. Planus angulus est duarum linearum, in plano




semutuo tangentium, & non in directum iacentium alterius ad alteram inclinatio. Talis est angulus, B A

C: rectæ, B A, C A, inclinantur in A.

9. Cum autem, quæ angulum continent lineæ, rectæ fuerint, Rectilineus angulus appellatur. Talis est exterior B A C, non vero interior ex curvis lineis.

10. Rectus angulus est vnus illorum, qui fiunt ex linea recta incidente in lineam rectam ita, vt anguli, qui fiunt deinceps, siue hinc, & inde, sint inter se æquales: ac linea illa incidens in aliam Perpendicularis illius appellatur.



Ita dum recta,
 A D cadens in re-
 ctam BC facit an-
 gulos hinc inde,
 A D B, A D C æ-
 quales inter se, fa-
 cite eosdem rectos,

caturque perpendicularis lineæ
 B D, vt vicissim recta C D perpen-
 dicularis est rectæ D A, etsi vnus
 tantum actu rectus C D A.

Obtusus angulus ille est, qui Re-
 ctus est maior. Talis est eadem in
 figura angulus E D C.

Acutus vero, qui minor est Re-
 ctus, qualis, E D B.

Terminus est, quod alicuius
 extremum est.

Figura vero est, quæ sub aliquo,
 vel aliquibus terminis compre-
 henditur. Vt Circulus, Triangu-
 lum, Quadratum, &c.

Rectilineæ figuræ sunt, quæ sub
 rectis lineis continentur. Vt trian-
 gulum, quadratum, &c.

4 *Geometria speculatiua*


16. Trilatera quidem, quæ sub tribus; Quadrilatera vero, quæ sub quatuor; Multilatera denique, quæ sub pluribus.

17. Trilaterarum autem figurarum *Aquilaterum* est triangulum, quod tria habet latera æqualia.

18. *Isofceles* vero, quod duo tantum æqualia.


19. *Scalenum* denique, quod tria inæqualia.

20. Ad hæc Trilaterarum figurarum, aut Trigonorum, *Rectangulum* est triangulum, quod re-



ctum habet angulum vnum, & duos acutos. Tale

est ABC. Rectus B. acuti A, & C. *Amblygonium* vero, quod obtusum habet angulum vnum,




& duos acutos.
Tale est B A C.
Obtusus A, acuti
B, C. Oxigoniũ
denique, quod
tres habet acutos.

Quadrilaterarum autem figura-



rum Quadratum
quidem est, quod
& æquilarum est,
& rectangulum.
Tale, A B.

Oblongum vero, quod rectan-




gulum quidem
est, sed non æqui-
laterum. Tale,
C D.

6 *Geometriae speculativa*

23. Rombus autem, qui æquilaterus est, sed non re-
ctangulus. Talis
E F.




24. Romboides vero, qui nec æqui-
laterus est, nec re-
ctangulus, sed ha-
bet opposita late-
ra æqualia; vti &
angulos. Talis est,
G H.



25. Præter has autem reliquæ qua-
drilateræ figuræ Trapezia appel-
lantur.

26. Parallelæ rectæ lineæ sunt, quæ
in eodem plano
ex vtraque par-
te in infinitum pro-
ductæ, in neutram
concurrunt: siue



quæ æqualiter vbiq; distant. Tales
sunt A B, C D.

Liber primus. 7.

Parallelogrammum est figura quadrilatera, cuius bina opposita latera sunt parallela. Talia sunt Quadratum, Oblongum, Rhombus, & Rhomboides.

Complementa vero sunt ea parallelogramma, quæ cõplent alia, quæ sunt circa diametrum, ut sunt $A E$, & $E D$, quæ complent $C E$; & $E B$, ad cõstituent totum, $A D$.



POSSIBILIA.

A Quouis puncto ad quoduis punctum, & in quamcunque partem duci potest recta linea.

Quævis linea recta potest in directum produci.

Ex maiori linea recta detrahi potest minor.

8. Geometria Speculativa

4. Cuilibet lineæ rectæ dari potest æqualis alia.
 5. Cuiusvis triangulo fieri potest aliud æquale.
 6. Supra quamcunque lineam rectam fieri potest quadratum.
 7. Ex quovis puncto lineæ rectæ educi potest linea recta angulum quemcunque faciens cum ea.
 8. A quovis puncto extra lineam sumpto duci potest linea recta illi parallela.
-

AXIOMATA.

1. **Q**uæ eidem sunt æqualia, inter se quoque sunt æqualia; adeoque quod vno æqualium est maius, aut minus, altero quoque est maius, aut minus.
2. Si æqualibus æqualia addantur, tota erunt æqualia.
3. Si ab æqualibus æqualia auferantur, quæ restabunt, erunt æqualia; ac si à toto minus, quam di-

Liber primus. 9

dimidium auferatur, quod restabit, dimidio erit maius, & contra, & si ab inæqualibus æqualia auferantur, restabunt inæqualia.


4. Quæ eiusdem, aut æqualium sunt dupla, aut dimidia, inter se sunt æqualia, & contra.
5. Quæ sibi mutuò congruunt, ea inter se sunt æqualia; æquales vero rectæ inter se congruunt.

Congruere vero illa dicuntur, quæ ad inuicem composita ita conueniunt, vt extrema cadant in extrema, nec excedant, nec excedantur; vt si linea pedalis pedali lineæ applicetur, extrema vnius puncta cadent in extrema alterius, & ambe vnâ facient lineam.

6. Totum est sua parte maius; nec non æquale suis omnibus partibus, imo idem.
7. Omnes anguli recti inter se sunt æquales.

10 *Geometriae speculativae*

8. Linea, quæ unam parallelarum secat, non est alteri parallela.



Ita si sint parallelæ, duæ rectæ AB, CD, recta EF secans rectam AB, non est pa-

rallela ipsi CD. Et vero ex una parte GE, magis, ac magis accedit ad rectam CD: ex altera vero, GF magis, ac magis ab eadem CD recedit, contra naturam parallelarum, quæ ubique æqualiter distant.

9 In magnitudinibus eiusdem rationis, si una non est alia maior, nec minor, est æqualis: aut si nec minor est, nec æqualis, est maior: aut si nec maior est, nec æqualis, est minor, ac si ambæ non sint inæquales inter se, sunt æquales, & contra.

Sunt autem eiusdem rationis linea recta cum linea recta, angulus

rectilineus cum rectilineo, & similes.


10 Quod ostenditur contrarium hypothesi factæ, aut Axiomati, aut Theoremati, iam demonstrato, falsum est, nec esse potest.

PROPOSITIONES.

THEOREMA PRIMVM.

IN duobus triangulis omnia colliguntur equalia ex duobus lateribus equalibus, & illorum angulo.

Propositio. Si duo triangula ABC,



& DEF habeant duo latera AB, & AC æqualia duobus DE, & DF utrumque utri-



que, habeant vero & angulum A æqualem angulo D sub æqualibus

12 *Geometria speculativa*

lateribus contentum ; Etiam basim BC basi EF æqualem habebunt, eritque triangulum ABC triangulo DEF æquale, & reliqui anguli B, & C reliquis E, & F æquales erunt, prout ijs æqualia latera subtenduntur.

Præparatio. Quia quæ congruunt æqualia sunt, intelligatur triangulum ABC superponi triangulo DEF, itaut apex A sit supra apicem D, & latus AB supra latus DE.

Demonstratio. Quia latus AB supponitur æquale lateri DE, & apex A respondet apici D, punctum B cadet in punctum E, totaque recta AB congruet cum recta DE. Rursum quia angulus A supponitur æqualis angulo D, & applicatum est latus AB lateri DE, latus AC cadet in latus DF; & quia latus AC supponitur æquale lateri DF, & apex A est supra apicem D, cadet punctum C in punctum F, totaque recta AC cōgruet rectæ DF: Et quia puncta B, & C sunt termini basis BC, & cadunt

cadunt supra E, & F, cadet ipsa quoque basis BC supra basim EF, & cum illa congruet; atque adeo per 5 Axioma basis BC erit æqualis basi EF, & triangulum ABC triangulo DEF, & angulus B angulo E, & angulus C angulo F. Quod demonstrandum erat.

THEOREMA 2.

Recta in rectam incidens angulos facit aut rectos, aut æquales duobus rectis.

Propositio. Cum recta linea ED supra rectam BC consistens angulos facit EDB & EDC: aut duos rectos faciet, aut duobus rectis æquales.



Præparatio. Educatur ex puncto D perpendicularis DA faciens æqua-

B

14 *Geometriæ speculatiuæ*
les angulos ADB, & ADC.

Demonstratio vel recta ED consentit cum AD, ac facit æquales angulos, vel non consentit, sed est inclinata in vnam partem, ac relinquit angulum inter vtramque. Si consentit, ac facit æquales angulos, facit rectos, ex definitione recti anguli: si non consentit, duo anguli, quos facit EDB, & EDC erunt æquales tribus BDE, & EDA, & ADC (nempe BDE sibi ipse, & EDC duobus angulis, quos continet, per 6. axioma) Sed & iisdem tribus angulis sunt æquales duo recti BDA, & CDA (nempe CDA sibi ipse, & BDA duobus quos continet, per idem axioma) ergo per 1. axi. Duo anguli EDB, & EDC sunt æquales duobus rectis ADB, & ADC, quod demonstrandum erat.


THEOREMA 3.

EX equalibus lateribus æquales ad basim anguli.

Propositio. Isoscelis trianguli ABC, cui ad basim BC sunt anguli ABC, & ACB, inter se sunt æquales.

Præparatio. Sumantur in productis lateribus AB, & AC partes æquales BD, & CE, ut totæ AD, & AE sint æquales per 2.º axioma: ducantur, deinde rectæ BE, & CD, atque ad punctum A ducatur recta AF, eaque æqualis lateri AC, & faciès angulū FAC equalem angulo BAC, ducaturque tandem recta FE.

Demonstratio. In duobus triangulis



FAE, & BAE duo latera AF, AE sunt æqualia duobus AB, AE, & angulus FAE angulo BAE. ergo per 1. Theorema basis

B ij

16 *Geometriae speculativae*

FE est æqualis basi BE, & angulus FEA angulo AEB. Rursum in triangulis FAE, & CAD duo latera FA, AE sunt æqualia duobus CA, AD, & angulus FAE angulo CAD. ergo ^abasis DC est æqualis EF, & angulus ADC angulo AEF. ergo & ^bbasis BE est æqualis DC, & angulus ADC angulo AEB. Rursum in triangulis BDC, & CEB duo latera BD, DC sunt æqualia duobus CE, EB, & angulus D angulo E. ergo ^cangulus DBC est æqualis angulo ECB. Tandem duo anguli CBA & CBD ^dsunt æquales duobus rectis, perinde ac duo BCA, BCE. ergo ^e duo CBA, CBD sunt æquales duobus BCA, BCE. ergo & ablatis æqualibus CBD, BCE restabunt ^f æquales duo ACB, ABC, quod demonstrandum erat.

a. T. I.

b. A. I.

c. T. I.

d. T. I.

e. A. I.

f. A. I.

THEOREMA 4.

Anguli ad verticem æqua-
les.

Propositio. Si duæ rectæ AB, CD se
mutuo secuerint,



angulos ad verti-
cē æquales inter
se facient, AEC,
& DEB, itemque
AED & CEB.

Demonstratio.

Duo anguli CEA, CEB sunt æqua-
les duobus rectis; ^a perinde ac duo ^{a 2. T. I.}
BEC, BED. ergo ^b duo CEA, CEB ^{b 1. A. 1.}
sunt æquales duobus BEC, BED.
ergo ^c ablato communi CEB resta- ^{c 3. A. 1.}
bunt æquales AEC, & BED. quod
demonstrandum erat. Idem fiet
circa duos alios.


THEOREMA 5.

Angulus externus utriusque
interno, & opposito maior.

Propositio. Cuiusvis trianguli ABC
vno latere CA producto versus D,
exterior angulus BAD utriusque in-
terno est maior, tum alterno ABC,
tum opposito ACB.

Prima pars de alterno.

Præparatio. Diuidatur bifariam
latus AB in pun-
cto E, per quod
ducatur CE, pro-
ducaturque ita,
vt EF sit æqualis
ipsi EC, ac tan-
dem ducatur FA.



Demonstratio. In triangulis AEF,
& BEC duo latera AE, EF sunt æ-
qualia duobus BE, EC, & angulus

AEF angulo BEC. ergo ^b angulus ^b i. T. i.
 FAE æqualis est angulo CBE. Est
 autem DAE ^c maior quam FAE. ^c 6. A. i.
 ergo & maior alterno CBA.

Secunda pars de opposito.

Præparatio. Producatur latus BA
 versus E.

Demonstratio. Angulus DAB est
^a æqualis EAC. ^a 4. T. i.




Est autem EAC
 per præcedentem
 partem maior al-
 terno ACB. ergo
 & DAB maior est
 eodem ACB.

THEOREMA 6.

EX maiori latere maior angu-
 lus.

Propositio. In quouis triangulo
 B iij

20 *Geometria speculativa*



ABC si latus unū
BC maius est alio
quouis AC, ma-
ior quoque est
angulus opposi-
tus BAC opposi-
to ABC.

Præparatio. Ex supposito maiori
CB sumatur CD æquale ipsi CA,
ducaturque AD.

Demonstratio. Angulus CDA ma-
a 5. T. 1. ior est^a angulo B, nempe externus
interno. Est autem CAD æqualis
b 3. T. 1. b ipsi CDA. ergo & CAD maior est
B. ergo & multo magis totus CAB
maior est B.

THEOREMA 7.

EX maiori angulo maius la-
tus.

Propositio. In quouis triangulo



ABC si angulus vnus A maior est alio quouis B, etiam latus oppositum BC maius est opposito AC.


Demonstratio. Si CB esset æquale CA, esset ^a angulus A æqualis angulo B; contra hypothesim. Si vero CB esset minus CA, esset quoque ^b angulus A minor angulo B; contra ^{b 6. T. 2.} hypoth. Ergo ^c cum CB nec æquale ^{c 9. A. 1.} sit nec minus CA, est maius.

THEOREMA 8.

EX angulis ad basim equalibus equalia latera.

Propositio. Si trianguli ABC duo an-

22 *Geometria speculatiua*




guli B, & C æ-
quales inter se
fuerint, æqua-
lia quoque e-
runt opposita
latera BA, CA.

Demonstratio. Si AB esset maius
 a 6.T. 1. AC, esset^a angulus C maior angu-
 lo B; contra hypot. Si vero AB esset
 b 6.T. 1. minus AC esset^b angulus C minor
 angulo B; contra hypoth. Ergo cum
 c 9.A. 1. AB non sit maius, nec minus AC, c
 erit æquale.

THEOREMA 9.

In duobus triangulis ex duo-
 bus lateribus æqualibus, & an-
 gulo maiore, maior basis.

Propositio. Si duo triangula ABC,



DEFG habuerint
 duo latera AB,
 AC æqualia duo-
 bus vnum vni,
 angulū vero BAC
 maiorem angulo
 EDF sub iisdem

lateralibus ; etiam basim BC basi
 EF maiorem habebunt.

Preparatio. Quia angulus BDF
 minor supponitur angulo A, fiat
 EDG æqualis ipsi A, sumaturque
 DG æquale ipsi DF, hoc est AC,
 ducaturque recta GE, & GF, si est
 opus.

Demonstratio. In triangulis ABC,
 DEG duo latera AB, AC sunt æ-
 qualia duobus DE, DG, & angu-
 lus A angulo EDG. Ergo ^a & basis ^a 1. T. 1.
 BC est æqualis basi EG. Rursum
 in triangulo DFH duo latera DG,
 DF sunt æqualia. Ergo ^b & angulus ^b 3. T. 1.
 DFG æqualis est DGF. Est autem
 DGF ^c maior EGF. ergo & angu- ^c 6. A. 1.
 lus DFG maior est EGF. ergo mul-
 tō magis totus EFG maior erit


24 Geometria speculatiua

d 7. T. 1. EGF. Ergo cum in triangulo EGF
 angulus EFG maior sit angulo
 EGF, ^d maius erit latus EG latere
 EF. Est autem BC æquale EG. Ergo
 & BC maius est EF. Quod si recta
 EG incidat in EF, totum sua parte
 maius satis intelligetur.

THEOREMA 10.

IN duobus triangulis ex duo-
 bus lateribus æqualibus, & ma-
 iore basi maior angulus.

Propositio. Si duo triangula ABC,
 DEF æqualia ha-



buerint duo late-
 ra AB, AC duo-
 bus DE, DF, vnũ
 vni, basim vero
 BC basi EF maio-
 rē: Angulum quo-

que A sub ijs contentum angulo D
 maiorem habebunt.

Demonstratio. Si angulus A ipsi D
 esset

esset æqualis, esset^a quoque basis ^{a. i. T. i.}
 BC æqualis EF, contra hypoth.
 Si vero A esset minor B, minor
 quoque^b esset basis BC basi EF, ^{b. i. T. i.}
 contra hypoth. Ergo cum angulus
 A nec sit æqualis, nec minor angu-
 lo D, erit maior

THEOREMA II.

IN duobus triangulis ex æquali-
 bus lateribus, & basi equalia
 omnia.

Propositio. si duo triangula ABC,

DEF duo latera

AB, AC habue-

rint æqualia duo-

bus DE, DF

vnum vni, & ba-

sim BC basi EF æ-

qualem; angulum

quoque sub æqualibus lateribus

contentum A angulo D æqualem

habebunt; eruntq; æqualia omnia.




26 Geometria Speculativa

Demonstratio. Si angulus A maior esset D, maior^a esset basis BC basi EF, contra hypoth. Si vero A esset minor D, esset quoque basis BC minor EF contra hypoth. Ergo angulus A cum nec maior sit nec minor D, est æqualis. Ergo & per primum Theorema æquales sunt reliqui anguli B, E & C, F, & ipsa triangula.

THEOREMA 12.

Parallelæ ex æqualibus alternis angulis.

Propositio. Si in binas rectas AB, CD incidens recta EH fecerit æquales inter se alternos angulos AFG, FGD, parallelæ erunt inter se rectæ linea



AB, CD.

Liber primus. 27

Præparatio. Si non sunt parallelæ, concurrant versus aliquam partem puta I, ita vt fiat triangulum. FIG.

Demonstratio. In triangulo FIG externus^a angulus AFG maior esset ^{a 5 T. 5.} alterno FGD, contra hypoth. Ergo cum rectæ AB, CD, non possint concurrere, ^{b 26. D.} sunt parallelæ. ^{1.}

THEOREMA 13.

Parallela ex æqualibus angulis oppositis, vel internis æqualibus duobus rectis.

Propositio Si in duas rectas AB, CD recta incidens EH fecerit externum angulum EFA æqualem interno, & opposito ad easdem partes FGC; aut sane duos internos BFG, FGD duobus rectis æquales, erunt inter se parallelæ duæ illæ lineæ AB, CD. Figura Theor. præced.

Demonstratio primæ partis. Angulus C ij.

28 *Geometriæ speculatiuæ*


FGC æqualis ponitur angulo EFA.
 a 4. T. 1. Est autem^a eidem EFA æqualis an-
 gulus BFG ad verticem. Ergo angu-
 lus F G C est æqualis angulo BFG:
 b 12. T. 1. sunt vero illi ambo alterni. Ergo^b &
 parallelæ lineæ AB, CD.

Demonstratio secunda partis. Duo
 anguli BFG, DGF ponuntur æqua-
 les duobus rectis: sunt^c vero iis-
 dem duobus rectis æquales duo
 c 2. T. 1. GFA, GFB. ergo duo BFG, DGF
 sunt æquales duobus GFA, GFB.
 ergo ablato communi BFG resta-
 bunt alterni duo æquales AFG,
 d 11. T. 1. FGD ergo^d & parallelæ sunt lineæ
 AB, CD.

THEOREMA 14.

EX parallelis alterni anguli
 æquales.

Propositio. In parallelas AB, CD



recta incidens EH
facit æquales in-
ter se angulos al-
ternos A F G,
FGD.

Demonstratio. Si
AFG & FGD ef-
sent inæquales, ac maior esset AFG
ipso FGD, sumi posset in AFG angu-
lus LFG æqualis alterno FGD. ergo
& recta LF producta versus M esset
a parallela ipsi CD. ergo & recta AB
parallelam LM secans non esset pa- ^{a 12. T. 11.}
rallela ipsi CD, contra hypoth.
ergo ^{b 9. A. 11.} cum duo alterni AFG, FGD
non sint inæquales, erunt æquales.

THEOREMA 15.

EX parallelis æquales anguli
oppositi, uti & interni duo-
bus rectis.

Propositio In parallelas AB, CD ^{Figura}
recta incidens EH. facit æquales. ^{Th. 12.}

C iij.

30 Geometriae speculativae

inter se oppositos ad easdem partes
angulos internum FGD, & ex-
ternum EFB. Item duos internos
ad easdem partes BFG, DGF æqua-
les duobus rectis.


Demonstratio prima partis. Angulus
a 14. T. I. a FGD æqualis est alterno AFG.
b 4. T. I. Eidem vero AFG æqualis^b est EFB.
Ergo FGD æqualis est EFB.

Demonstratio secunda partis. Angu-
c 14. T. I. lus AFG æqualis^c est alterno FGD.
Ergo si utrimque addatur angulus
GFB. Duo DGF, BFG erunt æqua-
les duobus GFA, GFB. sunt autem
d 2. T. I. illi^d æquales duobus rectis. Ergo &
duo BFG, DGF sunt æquales duo-
bus rectis.

THEOREMA 16.

Eidem parallele sunt inter se
parall. cl.

Propositio. Quæ eidem lineæ CD



sunt parallelæ AB, EF, inter se quoque sunt parallelæ AB, EF.

Demonstratio. Angulus G H A æqualis est^a inter-

a 14. T. 1.

b 14. T. 1.

c 14. T. 1.


no H I C. Est & H. C æqualis^b interno I L E. Ergo G H A externus æqualis est interno I L E. ergo^c & parallelæ sunt AB, EF.

THEOREMA 17.

Externus angulus æqualis est duobus internis oppositis, & Trianguli tres anguli æquales duobus rectis.

Propositio. Omnis trianguli ABC

32. *Geometria speculatiua*



vno latere pro-
ducto B C ex-
ternus angulus
A C D duobus in-
ternis oppositis
A, & B est æqua-
lis, & trianguli

ABC tres anguli A, B, C sunt æ-
quales duobus rectis.

Præparatio. Producto latere BC
versus D, ex puncto C educatur
CE parallela ipsi BA.

Demonstratio prima partis. Recta
AC incidit in parallelas AB, CE.
a. 14. T. 1. Ergo^a angulus A æqualis est alter-
no ACE. Item recta BC incidit in
b. 14. A. 1. parallelas BA, CE. ergo^b angulus B
æqualis est externo ECD. Ergo duo
A & B sunt æquales duobus ACE,
ECD, hoc est toti ACD.


Demonstratio secunda partis. Duo
anguli A, B sunt æquales angulo
ACD. ergo addito communi ACB;
tres anguli A, B, ACB sunt æquales
c. 1. T. 1. duobus ACD, ACB. sunt^c autem
d. 1. T. 1. iisdem æquales duo recti. ergo^d &

tres A, B, ACB sunt æquales duobus
rectis.

THEOREMA 18.

IN duobus triangulis ex æqua-
libus, duobus angulis tertius
æqualis.

Propositio. Si duo triangula
ABC, DEF ha-
beant duos angu-
los B, C æquales
duobus E, F, ter-
tius quoque A
erit æqualis ter-
tio D.



Demonstratio. Tres anguli A, B, C
sunt æquales^a duobus rectis, perin-
de ac tres D, E, F. ergo tres A, B, C
sunt æquales tribus D, E, F. ergo^b
ablatis æqualibus B, C, & E, F, re-
stabunt A, & D æquales.


^a 16. T. 1.

^b 3. A. 1.

THEOREMA 19.

In duobus triangulis ex duobus, aut tribus angulis equalibus, & uno latere, equalia omnia.

Propositio. Si duo triangula ABC,



DEF habeant duos, adeoque tres angulos æquales tribus unū vni, & latus BC lateri EF, reliqua latera erunt æqua-

lia, & tota triangula.

Preparatio. Si AC & DE sunt inæqualia, ac si maius est DF, rescindatur ex eo FG æquale CA, ducaturque EG.


Demonstratio. In duobus triangulis ABC, GEF duo latera BC, CA sunt æqualia duobus EF, FG, & angulus C æqualis angulo F, ergo ^a angulus B erit angulo GEF æqualis.

Est autem GEF minor toto DEF.
 Ergo ^b & angulus B minor est angulo DEF, contra hypoth. ^{b 1. A. 1.}
^c cum AC, & DF non sint inæqualia, sunt æqualia. Ergo in duobus triangulis ABC, DEF duo latera CB, CA sunt æqualia duobus FE, ED, & angulus C angulo F. ergo ^d & basis AB basi DE, & triangulum triangulo, &c. ^{d 1. A. 1.}

THEOREMA 20.

Quæ parallelas æquales iungunt, sunt æquales, & parallelæ.

Propositio. Rectæ AC, BD quæ iungunt æquales, & parallelas AB, CD ad easdem partes, ipsæ quoque sunt æquales, & parallelæ.



36 Geometriæ speculatiuæ


Præparatio. Ducatur diameter BC.

- Demonstratio.* Recta BC cadit in
 a 14. T. I. parallelas AB, CD. ergo ^a angulus
 ABC æqualis est alterno DGB.
 ergo in duobus triangulis ABC,
 CDB duo latera BA, BC sunt æ-
 qualia duobus CD, BC, & angulus
 b 1. T. I. ABC angulo DCB. Ergo ^b & basis
 AC est æqualis BD, & angulus
 ACB angulo DBC. Sunt vero al-
 terni illi ex incidente BC in rectas
 c 11. T. I. AC, BD. ergo ^c rectæ AC, BD sunt
 parallelæ.

THEOREMA 25.

Parallelogrammorum oppo-
 sita latera æqualia, & an-
 guli, uti & partes à diametro
 factæ.

Propositio. Omnis parallelogrammi
 AD



AD æqualia sunt
inter se latera op-
posita AB, CD
& AC, BD. & an-
guli B, C, & A, D;
atque illud bifa-
riam secat diame-


ter AD, vt sint æqualia ABC, DCB.
& vnum ex ijs ACB sit dimidium
parallelogrammi totius.

Demonstratio. Parallelae sunt AB,
CD, & in eas cadit CB. Ergo ^a an- ^{a 14. T. 1.}
gulus A B C est æqualis alterno
BCD. Item parallelae sunt AC, BD,
& in eas cadit CB. Ergo ^b angulus ^{b 14. T. 1.}
A C B æqualis est alterno C B D.
Ergo duo anguli ACB, ABC sunt æ-
quales duobus DBC, BCD, ergo ^c ^{c 18. A. 1.}
& tertius A tertio D. est vero & la-
tus CB commune, ergo ^d & æqua- ^{d 19. T. 1.}
lia latera AB, CD, & AC, BD, &
triangula ABC, DCB.

THEOREMA 22.

Parallelogramma super eadem, vel equali basi, & in iisdem parallelis sunt equalia.

Propositio. Parallelogramma AF,



FG super eadem basi CF, & in iisdem parallelis AB, CD cōstituta, inter se sunt equalia; perinde ac duo AF, GD

super equali basi CF, OD, & in iisdem parallelis AB, CD.

Demonstratio prima partis. Rectæ AC, EF sunt a parallelæ & æquales, & in eas cadit AB. Ergo ^a angulus CAE equalis est externo FEG, eademque de causa angulus CGE æqualis est interno FBG. Ob parallelas CG, FB. Atque adeo in duobus

a 17. D.

b

15. T. I.

triangulis A G C, E B F duo anguli CAG, AGC sunt æquales duobus FEB, EBF, & latus AC æquale ^c lateri EF. Ergo ^d & triangula sunt æqualia. Ergo & sublato communi triangulo EIG restant æqualia tripezia ACIE, & IFBG. Ergo & addito communi triangulo CIF duo parallelogramma AF, FG sunt æqualia.

c 27. T. 1.
d 19. T. 1.


Demonstratio secunda partis AF est æquale FG per præcedentem partem: est & per eandem GD æquale eidem GF. Ergo ^c AF est æquale ipsi ^c DG.

THEOREMA 23.

Triangula super eadem, vel equali basi, & in iisdem parallelis sunt æqualia.

Propositio. Triangula ACD, ECD,
D ij

40 *Geometria speculativa*



super eadem basi
 CD, & in iisdem
 parallelis AF, CH
 posita, sunt inter
 se æqualia; perin-
 de ac duo ACD,
 EGH super æqua-
 li basi CD, GH & in iisdem paral-
 lelis AF, CH.

Preparatio. Ducatur DB paralle-
 la ipsi CA. Nec non & DF ipsi CE,
 itemque HF ipsi GE.

Demonstratio prima partis. Duo pa-
 rallelogramma AD, DE sunt ^a æ-
 qualia. Sunt verob ^b triangula ACD,
 ECD illorum dimidia. Ergo ^c & in-
 ter se æqualia.


Demonstratio secunda partis. Paral-
 lelogramma AD, EH sunt ^d æqua-
 lia. Sunt ^e vero triangula ACD,
 EGH illorum dimidia. Ergo, & in-
 ter se æqualia.

THEOREMA 24.

Triangula equalia super eadem basi sunt in iisdem parallelis.

Propositio. Triangula ABC, DBC æqualia, & super eadem basi BC, sunt in iisdem parallelis AD, BC.

Preparatio. Ex A ducatur ipsi BC



parallela linea, quæ vel conueniet cum ipsa AD ducta per apices A, D, vel cadet supra, vt AE; vel infra, vt AO. Pro-

ducatur vero BD vsque ad occursum rectæ AE, & ducatur EC, itemque OC.

Demonstratio. Si AE esset parallela ipsi BC, duo triangula ABC, EBC

D ij


42 Geometria speculativa

a 23, T. 1. super eadem basi BC essent a æqualia. Esset vero DBC minus toto EBC. Ergo & DBC minus ipso ABC. contra hypoth. Si vero AO esset parallela eidem BC, duo triangu-
 b 23, T. 1. gula ABC, OBC essent b æqualia. Esset vero DBC totum maius parte OBC ergo, & DBC esset maius ipso ABC, contra hypoth. Ergo cum parallela ipsi BC duci non possit ex apice A supra, neque infra AD, conveniet cum AD, eruntque triangu-
 la ABC, DBC in iisdem parallelis AD, BC.

THEOREMA 25.

Parallelogrammum est duplum trianguli super eadem basi, & in iisdem parallelis.

Propos. 19. Si parallelogrammum



AC, & triangulum EBC eandem basim BC habuerint, & fuerint in iisdem parallelis AE, BC, triangulum EBC erit di-

midium parallelogrammi AC, & AC erit duplum EBC.

Præparatio. Ducatur diameter AC.

Demonstratio. Parallelogrammum AC duplum est trianguli ^a ABC. a 21. T. 1.
 Est autem EBC æquale ^c ipsi ABC. c 23. T. 1.
 Ergo Parallelogrammum AC duplum est trianguli EBC.


THEOREMA 26.

IN parallelogrammis supplementa equalia.

Propositio. Omnis parallelogramm-

D iij

44 Geometria speculativa




mi A D eorum,
 quæ circa diame-
 trum BC sunt pa-
 rallelogrammorum
 supplementa AE.
 ED inter se sunt
 æqualia.

Demonstratio. Triangula ABC,
 DCB sunt æqualia. Item FEC,
 GCE. Item HEB. IEB. Ergo si ab
 æqualibus triangulis ABC, DCB
 tollantur hinc FCE, HBE, inde
 vero æqualia GCE, IEB restabunt
 æqualia parallelogramma AE, ED.

THEOREMA 27.

IN rectangulo triangulo qua-
 dratum maximi lateris æquale
 est quadratis reliquorum.

Propositio. In triangulis rectangu-



lis ABC quadratum BE, quod fit à latere BC angulum rectum BAC subtendente, æquale est quadratis FA, GA, quæ fiunt ex lateribus AB, AC rectum angulum continentibus.

Præparatio. Ex apice A ducatur AH parallela ipsi BD. tum rectæ FC, BG, AD, AE.

Demonstratio. Quia duo anguli FBA, DBC recti sunt, & æquales, addito communi angulo ABC, duo FBC & ABD erunt æquales. Quare in triangulis FBC, ABD duo latera FB, BC sunt æqualia duobus AB, BD ex natura quadratorum: est & angulus FBC æqualis angulo ABD. Ergo^a & duo triangula sunt inter se æqualia. Est vero triangulum FBC in iisdem parallelis BF, CA, & super eadem basi BF cum parallelogrammo AF. Ergo^b & dimidium illius. Est etiam triangulum ABD in iisdem

a 1. T. 1.

b 2. T. 1.

46 *Geometriae speculatiuae*

parallelis DB, HA, & super eadem basi DB cum parallelogrammo AG. Ergo & illius quoque dimidium. Ergo c parallelogramma AF, & BH, quæ sunt dupla æqualium triangulorum, inter se sunt æqualia. Eodem modo demonstratur æqualia inter se parallelogramma AG, CH. Atque adeo totum quadratum DC æquale est quadratis AF, AG.

Finis libri primi.






GEOMETRIÆ

SPECVLATIVÆ

LIBER SECVNDVS.


DEFINITIONES.

1.  Circulus est figura plana, quæ sub vna linea ita comprehenditur, vt ab vno puncto, quod est intra figuram, lineæ omnes ductæ ad lineam terminantem sint æquales.
2. Circumferentia verò, aut Peripheria est linea circulum terminans.
3. Centrum est punctum, à quo linee omnes ad circumferentiam ductæ sunt æquales.

48 *Geometriae speculativa*


4. Radius est linea à centro ad circumferentiam.
5. Diameter est linea re \dot{c} ta per centrum ducta, & circulum bifariam diuidens: siue linea in circulo, in qua est centrum. Talis est BC.
6. Semicirculus est figura comprehensa sub diametro, & semiperiph \dot{e} ria. Talis est BDEC.

7. Arcus est pars circumferentiæ, & quæ illius extrema connectit, Chorda appellatur. Arcus DE, & chorda DE.




8. Segmentum est figura sub arcu, & chorda. Tale est DE, & DFE maius segmentum.
9. Segmentiangulus ille est, qui fit à chorda, & arcu. Talis est BDE, vel EDE.


Pag. 7




Pag. 12.



Pag. 14.



6. lin. 3. AG
 pro DG
 pag. 45.



Pa
 lus
 in.
 ED
 pro


Figuræ, quæ suis locis del
 & errata corrigi.

undo pagina 49.

pag.66.




pag.72.




pag.73.lin.2.AB
pro ABC.



pag.70.



10. Angulus in segmento ille est, qui



continetur à dua-
bus rectis, quæ à
finibus chordæ ad
aliquod arcus pū-
ctum destinantur.
Talis est angulus
BAC in segmento

BAC.

11. Angulus insitens peripheriæ,
aut arcui ille est, qui continetur
duabus rectis, quæ ab extremis
finibus arcus ad centrum circuli,
vel aliquod oppositæ circumfe-
rentiæ punctum destinantur. Ta-
lis est in centro BDC insitens
peripheriæ BC. Talis etiam BAC
eidem insitens ad peripheriam
BAC.

12. Sector Circuli est figura conten-
ta sub duabus rectis in centro an-
gulum facientibus, & sub arcu
ab eis sumpto. Tale est BDC sub
lineis BD, DC, & arcu CB.


E

50 *Geometria speculatiua*

13. Similia segmenta sunt ea, quæ æquales capiunt angulos. Ita segmenta maximi, & minimi circuli erunt similia, si pares angulos capiant.

14. Æquales circuli illi sunt, quorum diametri, vel radij sunt æquales.

15. Recta circulum tangens illa est,



quæ habens commune punctum in circumferentia, licet producat, circulum non secat. Talis est recta GF circulum tan-

gens in A.

PROPOSITIONES.

THEOREMA PRIMVM.

Diameter rectam non diametrum secans bifariam perpendicularis illi est, & contra si perpendicularis est, secat bifariam.

Propositio. Si in circulo ABCD



diameter AC rectam BD per centrum non extendam bifariam secuerit in EB, ED; ad angulos quoque rectos eam

secabit: Et contra si ad angulos rectos secuerit, bifariam secabit.

Preparatio. Ducantur ex centro rectæ FB, FD.

Demonstratio primæ partis. In trian-

E ij

52 *Geometria speculativa*

gulis FBE, FDE duo latera FB, BE sunt æqualia duobus FD, DE, & a 11. T. 1. latus FE est commune. Ergo ^a angulus BEF est æqualis angulo DEF, b 10. D. 1. adeoque ambo recti. ^b

Demonstratio secunda partis. In triangulo Isoscele FBD duo anguli c 3. T. 1. B & D sunt æquales, ^c atque adeo in triangulis FBE, FDE duo anguli B, & rectus FEB sunt æquales duobus D, & recto FED, est quoque latus FB æquale lateri FD. Ergo ^d & d 19. T. 1. latus BE lateri DE.

THEOREMA 2.

Recta in circulo secans aliam non diametrum perpendiculariter, & bifariam, diameter est.

Propositio. Si in circulo ABCD

Liber secundus. 53



recta AC aliam
BD bifariam, &
perpendiculariter
in I. secuerit, erit
circuli diameter.


Preparatio. Si
centrum circuli
extra rectam AC, sit in G, ac per
I, perque punctum I ducatur dia-
meter EGI.

Demonstratio. Diameter EG, re-
ctam BD non extensam per cen-
trum secat bifariam. Ergo ^a angulus ^a I. T. 1.
B est rectus. Ergo totus AIB ma-
ior est recto, contra hypoth. ergo
I centrum esse non possit extra
rectam AC ipsa ^c diameter est ha- ^c 5. D. 2.
bens centrum.

THEOREMA 3.

Duae lineae aequales non nisi
à centro exeunt.

Propositio. Si in circulo ABC ca-
E. iij

54 *Geometriae speculativae*

piatur punctum aliquod I, & ab eo ad circumferentiam ducantur æquales plures lineæ, quam duæ IA, IB, IC, punctum acceptum I centrum est circuli.

Præparatio. Ducantur rectæ AB, BC, ac bifariam diuidantur in D, & E, ducanturque DI, EI.


Demonstratio. In triangulis ADI, BDI, duolatera AD, AI. Sunt æqualia duobus BD, BI, est & basis communis DI. Ergo angulus ADI æqualis est angulo^a BDI, adeoque^b ambo recti. ergo recta DI producta^c est diameter. Eodem modo recta EI producta demonstratur esse diameter. Ergo cum ambæ habeant centrum circuli, erit illud in communi illarum sectione L.

a 11. T. 1.
b 10. D. 1.
c 2. T. 2.

THEOREMA 4.

Sola perpendicularis extremae diametro circulum tangit, aliae omnes secant.

Propositio. Quae ab extremitate



diametri AB ducitur perpendiculariter AF, vel AG, illa cadit extra circulum, & in locum inter illam, & circu-

lum altera linea non cadet, sed secabit circulum.

Prima pars.

Præparatio. Si perpendicularis cadit intra circulum ut recta AD, ducatur à centro C ad punctum sectionis D recta CD.

E. iiij

56 Geometria Speculativa

Demonstratio. In triangulo ACD
 217.T.1. tres anguli ^a sunt æquales duobus
 rectis. Ergo sublato angulo ACD
 duo reliqui sunt minores duobus
 b 3.T.1. rectis. Sunt autem ^b ambo inter se
 æquales, ergo & illorum quisque
 minor recto, contra hypoth. Ergo
 cum recta AF non possit intra cir-
 culum cadere, cadet extra, ^c ac cir-
 culum tanget.

Secunda pars.

Præparatio. Cadat si fieri potest re-
 cta AE inter rectam AG, & circu-
 lum, ducaturque à centro C per-
 pendicularis ad rectam AE recta
 CE perducta extra circum ad vs-
 que AE, adeoque maior quouis cir-
 culi radio.

Demonstratio. In triangulo CAE
 47.T.1. angulus CEA est rectus, & angulus
 CAE minor recto. Ergo ^d latus CA
 maius est latere CE, contra hypoth.
 Ergo inter rectam tangentem, &
 circum nulla ducetur linea, quæ


circulum non fecer, solaque tangens non secabit.

Corollarium. Si quæ est ratio inter angulos curvilineos, & rectilineos, ac mixtos, angulus semicirculi maior est quovis acuto, & angulus contactus minor quovis acuto rectilineo.

THEOREMA 5.

Angulus ad centrum duplus est illius, qui ad circumferentiam.

Propositio. In circulo ABCD angulus BID, qui est ad centrum I, duplus est eius BAD, qui est ad circumferentiã, quando anguli eandem habue-



rint circumferentiã BCD.

58 *Geometria speculativa*

Præparatio. ducatur recta AI ver-
sus C.

Demonstratio. In triangulo B I A
producto latere AI externus angu-
lus BIC est æqualis duobus internis
IAB, & IBA. ^a Sunt vero illi æqua-
les inter se ob latera æqualia IA,
^b 3. T. 1. IB. ^b Ergo angulus BIC duplus est
vnius illorum, scilicet IAB. Eodem
vero iure angulus CID duplus est
anguli IAD. Ergo & totus BID
duplus est totius BAD, valetque
hæc ratio quaecumque facta hypo-
thesi.

 THEOREMA 6.

Anguli, qui sunt in eodem
segmento sunt inter se æ-
quales.

Propositio. In circulo ABC anguli



BAC, BDC, qui sunt in eodem segmento BAC, sunt æquales inter se.

Præparatio. Ex centro I ducatur recta IB, IC.


Demonstratio. Angulus BIC duplus est anguli BAC. ^a Est etiam duplus anguli BDC. Ergo ^b BAC, & ^b BDC sunt inter se æquales.
^a 5. T. 2. ^b 4. A. 1.

THEOREMA 7.

Quadrilatera in circulis angulos habent oppositos æquales duobus rectis.

Propositio. In circulo ABCD qua-

60 Geometriæ speculatiuæ



drilateri cuiusuis
 ABCD anguli
 oppositi ABC,
 ADC, & BAD,
 BCD sunt æqua-
 les duobus rectis.

Præparatio. Du-
 cantur rectæ AC, BD.


Demonstratio. Duo anguli BDC,
 BAC sunt in eodem segmento
 a 5. T. 2. BADC. Ergo a sunt æquales. Item
 duo ADB, ACB sunt in eodem seg-
 mento ADCB. Ergo & æquales.
 Ergo duo ADB, BDC sunt æquales
 duobus BAC, BCA. ergo addito v-
 trimque angulo ABC, tres anguli
 ABC, BDA, BDC sunt æquales tri-
 bus ABC, BAC, BCA. Sunt vero illi
 b 17. T. 1. tres posteriores æquales duobus re-
 ctis. b Ergo & priores; hoc est ABC,
 & totus oppositus ADC.

THEOR.

THEOREMA 8.

Super eadem linea segmenta similia sunt equalia, & equalia habent circumferentias.

Propositio. Si super eadem linea AB duo segmenta similia constuantur ad eadem partes, erunt illa æqualia inter se, & æquales habebunt circumferentias.



rentias.

Præparatio. Si segmenta non congruant, circumferentia unius cadet extra circumferentiã alterius quomodocumque. Cadat itaque pars C extra aliam circumferentiam, ac sumatur in ea punctum C, ducaturque recta CA. Item CB, & DB.

Demonstratio. Angulus ADB externus maior est interno ACB.

F


62 *Geometriae speculatiuae*

a 5. T. r.

a Ergo duo segmenta ADB, ACB non sunt similia, contra hypoth. Ergo cum vnus circumferētia non possit cadere extra, aut intra alterius circumferentiam, cadet supra, ac congruent segmenta duo, & duae circumferentiae. Ergo b & segmenta erunt æqualia, & circumferentiae.

THEOREMA 9.

Super equalibus rectis similia segmenta sunt equalia, & æquales circumferentiae.



Propositio. Si super equalibus rectis AB, CD posita sint segmenta similia AEB, CFD, erunt illa inter se æqualia,

vti & circumferentiae.

Præparatio. Intelligatur segmentum AEB superponi segmento CFD.

Demonstratio. Recta AB congruet cum recta CD, & ambæ vnã faciunt lineam super qua duo erunt segmenta AEB, CFD. Ergo & segmenta erunt æqualia inter se, & circumferentiæ: aut sane eadem re-
38.T. 2.
 currit demonstratio, quæ prius.

THEOREMA 10.

A Equales anguli equalibus insistent circumferentiis.



Propositio. In circulis æqualibus ABC: EFG equales anguli siue ad cætra BDC, FHG siue ad circumferentias BAC, FEG insistent æqualibus circumferentiis BC, FG.

64 *Geometria Speculativa**Primapars ad centrum.*

Præparatio. ducatur recta B C,
F G.

Demonstratio. In triangulis B D C,
F H G duo latera DB, D C sunt æ-
qualia duobus HF, HG, & angulus
D angulo H. Ergo a basis BC est
æqualis basi FG. Præterea anguli
B A C, F E G sunt dimidia angulo-
rum æqualium D, & H. ^b ergo sunt
inter se æquales. ^c Ergo segmenta
B A C, F E G æquales angulos ca-
pientia sunt similia. ^d Ergo & cum
sint super æqualibus lineis B C, F G
erunt æqualia, & æquales illorum
circumferentiæ. ^e Ergo si ab æqua-
libus æqualium circulorum cir-
cumferentiis auferantur æquales
circumferentiæ A B C, F E G, resta-
bunt æquales circumferentiæ B C,
F G.

a 1. T. 1.

b. 5. T. 2.

c 4. T. 1.

d 13. D. 2.

e 9. T. 2.

Secunda pars ad circumferentias.

Demonstratio. Anguli BAC, FEG ponuntur æquales. Sunt vero anguli BDC, FHG ad centra illorum dupli. ^f Ergo & æquales inter se. ^g Ergo & per præcedentem partem circumferentiæ BC, FG sunt æquales. f. T. 2.
g. 4. A. 1.

THEOREMA III

Anguli super æqualibus circumferentiis sunt æquales.

Propositio. In circulis æqualibus



ABC, EFG super æqualibus circumferentiis BC, FG insistentes anguli siue ad centra BDC, FIG, siue ad circumferen-

E iij

66 Geometria speculativa



tias BAC , FEG
sunt inter se æ-
quales.

Præparatio. Si an-
guli BDC , FIG
non sint æquales,
sit vnus maior, scilicet FIG , atque
adeo in eo sumatur HIG æqualis
ipsi BDC .

Demonstratio. Duo anguli ad cen-
tra BDC , HIG sunt æquales, & in
circulis æqualibus. Ergo^a circum-
ferentiæ BC , HG sunt æquales. Est
vero FG maior, quam HG . Ergo &
 FG maior est, quam BC , contra hy-
poth. Ergo cum anguli ad centra
non sint inæquales, sunt æquales.
Eadem erit ratio angulorum ad cir-
cumferentiam.

THEOREMA 12.

A Equales rectæ æquales auferunt circumferentias.

Propositio. In circulis æqualibus BC, EF æquales rectæ BC, EF auferunt circumferentias æquales BC, EF.



Preparatio. Ex centris ducantur rectæ AB, AC, & DE, DF.




Demonstratio. In triangulis ABC, DEF duo latera AB, AC sunt æqualia duobus DE, DF, & basis BC basi EF. ergo ^a & angulus A angulo ^a D. ergo ^b circumferentiæ BC, EF, quibus insistent sunt æquales.

F iiij

THEOREMA 13.

A *Equales circumferentiae aequales habent chordas.*

Propositio. In circulis equalibus BC, EF sub equalibus circumferentiis BC, EF aequales rectae subtenduntur BC, EF.



Preparatio. Ducantur ex centris rectae AB, AC, & DE, DF.

Demonstratio. Anguli ad centra BAC, EDF supponuntur insister

re equalibus circumferentiis BC,

^a 11. T. 2. EF. ergo ^a sunt inter se aequales.

Sunt vero & latera AB, AC aequa-


^b 1. T. 1. lia duobus DE, DF. ergo ^b & basis

BC, basi EF.

THEOREMA 14.

Angulus in semicirculo re-
ctus est, in maiori segmento
acutus, in minori obtusus.

Propositio. In circulo ABCE angu-
lus BAC, qui est



in semicirculo, re-
ctus est: qui autē
ABC in maiori
est segmento ABC,
acutus: qui verō
AEC est in mino-

ri segmento AEC, obtusus.

Preparatio. Ex centro D ducatur
DA.

Demonstratio primæ partis. In isosce-
le ADC duo anguli DCA, DAC
sunt æquales. ^a Itē in isoscele ^{a 3. T. 12}
DBA duo anguli DBA, DAB sunt
æquales. Ergo si angulo DCA adda-
tur DBA, & æquali angulo DAC

70 *Geometriae speculativæ*

addatur æqualis DAB, duo anguli DCA, DBA erunt æquales duobus DAB, DAC, hoc est toti BAC. Sunt vero tres anguli BAC, ACB, ABC æquales duobus rectis: ^b ergo angulus BAC dimidium duorum rectorum continet. Ergo & re-
ctus est.

b 17. T. 1.

Demonstratio secunda partis. Duo anguli ABC, ACB demonstrati sunt æquales vni recto, scilicet BAC. Ergo sublato ACB restabit angulus segmenti maioris ABC minor recto.

Demonstratio tertiæ partis. Quadrilaterum ABCE est in circulo. Ergo ^c oppositi anguli ABC, AEC sunt æquales duobus rectis. Ergo sublato ABC, qui minor est recto, restabit AEC recto maior. ^d


c 7. T. 2.

d 3. A. 1.

THEOREMA 15.

Recta à centro ad contactum ducta est perpendicularis tangenti.

Propositio. Si circumulum tetigerit recta aliqua AB, à centro autem C ducta fuerit ad contactum D recta linea CD, ipsa erit tangenti AB perpendicularis.



Præparatio. Si recta CD non est perpendicularis ipsi AB, sit alia, si potest, CB ultra circumferentiam pertinens ad tangentem in B, faciensque angulum rectum CBD, adeoque in triangulo DCB maximum.

Demonstratio. In triangulo DCB latus CB extra circumulum pertinens ad B maius est latere CD intra cir-

72 *Geometria speculativa*


a 6. T. 1.

cumferentiam contento. Ergo^a angulus CDB maior est angulo, qui supponitur rectus CBD, contra hypothesim. Ergo cum alia non possit duci perpendicularis à centro C ad tangentem, erit ipsa CD.

THEOREMA 16.

Concētricorum Isofcelia sunt æqui-angula.

Propositio. Si sint ex eodem centro



A descripti circuli BC, DE, ac ducti radij AD, AE, & chordæ BC, DE, & facta Isofcelia ABC, ADE, illa erunt

æqui-angula

Demonstratio. Tres anguli ABC, BCA, CAB sunt æqualestribus ADE, DEA, EAD. ^a Ergo ablato communi A restant æquales duo
ABC

b 17. T. 1.

Liber secundus. 73


ABC, BCA duobus ADE, DEA.
Sunt vero iidem duo AB, BCA æ-
quales inter se, & perinde ac duo ^{b; T. I.}
ADE, DEA. Ergo duo ABC, ADE
dimidia æqualium sunt inter se æ-
quales, vti & duo BCA, DEA.





GEOMETRIÆ
SPECVLATIVÆ
LIBER TERTIVS.

DEFINITIONES.

1.  Ratio est duarum magnitudinum quædam secundum capacitatem quantitatis habitudo.

Ita si decempeda sola sit, nullam rationem habet, nec maior est, aut minor, aut æqualis. At si comparetur cum alia, vt cum sexpeda, habet rationem aliquam secundum quam maior appellatur, propterea quod aliam contineat certa quædam capacitate.

2. Capacitas quantitatis ea est secundum quam vna quantitas aliam continet, vel partim, vel accuratè, vel cum excessu.

Atque hinc ortæ rationes variæ, ac si quantitas vna aliam continet tantum ex portione, siue portionem illius aliquam, vt bipeda tripedam, Maior inæqualitas appellatur: Si vero accurate totam, vt sexpeda sexpedam, Æqualitas est: si denique plusquam totam, vt sexpeda bipedam, Maior inæqualitas vocatur. Hinc rationes variæ multiplex, submultiplex, &c. imò rationales, & irracionales; ac rationales quidem illæ sunt, quæ locum habent in magnitudinibus commensurabilibus, siue quæ mensuram habent communem, & quæ numeris exprimi possunt: irracionales vero, quæ in magnitudinibus incommensurabilibus, hoc est quæ nullam habent communem mensuram, & quæ numeris exprimi nequeunt, qualis est inter latus quadrati, & diametrum eiusdem.

76 *Geometriae speculatiuæ*

3. Comparatio rationis est duarum rationum quædam secundum capacitatem rationis habitudo.

Ita si ratio Tripla hoc est sexpedæ ad bipedam sola sit, illa rationem nullam habet, nec maior est, minor, aut æqualis. At vero si componatur cum ratione alia, vt cum dupla, siue sexpedæ ad tripedam, tunc rationem habet aliquam, ac dicitur maior ratio, propterea quod maiorem habeat rationis capacitatem.

Atque inde fit, vt omnis comparatio rationis sit inter quatuor terminos: nempe inter primam, & secundam quantitatem primæ rationis, & inter tertiam, & quartam secundæ, nisi forte terminus vnus bis sumatur. En quatuor termini, vt 6. ad 3, ita 4. ad 2. Ecce vero tres. Vt 8. ad 4, ita 4. ad 2.

4. Capacitas rationis ea est secundum quam prima quantitatuum inter quas est ratio secundam continet, aut æqualiter, aut plus, aut minus, quam tertia quartam. Atque

hinc ortæ comparationes variæ , vt fit vel maior ratio , vel minor, vel æqualis, siue eadem.

5. *Æqualis*, aut eadem ratio, quæ & proportio appellatur , tunc est quando positis hinc inde rationibus prima quantitas tantum continet secundam , quantum tertia quartam.

Ita proportio est, & Identitas rationis inter hos numeros 4. 2. & 6. 3, atque vt 4. bis continet 2, ita 6. bis capiunt 3.

6. *Maiores ratio* tunc est quando prima quantitas plus continet secundam, quam tertia quartam; & contra *Minor*.

Ita si comparentur rationes illæ 8. ad 2, & 4. ad 2. prima erit maior secundâ: Si vero duæ illæ 2. ad 8. & 2. ad 4. prima erit minor secunda.

7. *Magnitudo* aliam magnitudinem plus continere dicitur, quando maiorem illius portionem continet, aut illam totam , aut illam totam, & illius portionem maiorem,

78 *Geometriae speculativae*

aut illam totam pluries, aut denique illam totam pluries, & maiorem illius portionem. Tantum vero continet, cum nec plus nec minus.

Ita tripeda plus partim continet sexpedam, quam bipeda, nempe maiorem illius portionem: ita decempeda plus continet tripedam, quam sexpedam: ita latus quadrati plus partim continet diametrum, quam media pars lateris, nempe maiorem illius portionem: ita diameter plus continet mediam partem lateris, quam totum latus.

8. Magnitudines eandem proportionem habentes appellantur Proportionales: ac prima quidem, & tertia vocantur Antecedentes; secunda vero, & quarta consequentes.

Ita 9. ad 3, & 6. ad 2. sunt proportionales; & 9. & 6. vocantur antecedentes, 3. vero, & 2. consequentes. Dicis enim ut 9. ad 3, ita 6. ad 2. Ita lubet deinceps uti numeris commoditatis, & brevitatis gratia, at-

que illorum loco intelligi poterunt magnitudines tot palmorum, aut digitorum, quot numeris exprimentur.

9. Iterum in eadem ratione, sine proportionales esse dicuntur magnitudines prima ad secundam, & tertia ad quartam, quando acceptis æquemultiplicibus quibusvis primæ, & tertiæ; & secundæ ac quartæ, multiples primæ, & secundæ concordant cum multiplicibus tertiæ, & quartæ.

10. Concordare dicuntur multiples, vti & quantitates binæ, & binæ, si, quando prima major est secunda, etiam tertia maior est quarta: aut si, quando prima est æqualis secundæ, tertia est æqualis quartæ; aut denique si, quando prima minor est secunda, tertia minor est quarta, secus discordant.

Definitio illa nona est secunda definitio proportionalium quantitarum, eaque petita ab earum proprietate perpetua, adeo, vt in qui-

80 *Geometria speculativa*

bus magnitudinibus ea insit, hæc sint proportionales; & quæ sunt proportionales, eam quoque proprietatem habeant. Talis vero illa est ut bene intelligatur.

Propositis quatuor numeris Proportionalibus, A, B, C, D; sumptisque primi A, ac tertij C æquemultiplicibus iuxta quamvis multiplicationem: item secundi B, & quarti D æquemultiplicibus iuxta quamcunque multiplicationem, si, ut pri-

$\frac{E \ 9}{G \ 4}$	$\frac{A \ 3}{B \ 2}$	$\frac{C \ 6}{D \ 4}$	$\frac{F \ 18}{H \ 8}$
$\frac{E \ 18}{G \ 18}$	$\frac{A \ 3}{B \ 2}$	$\frac{C \ 6}{D \ 4}$	$\frac{F \ 36}{H \ 36}$
$\frac{E \ 12}{G \ 14}$	$\frac{A \ 3}{B \ 2}$	$\frac{C \ 6}{D \ 4}$	$\frac{F \ 24}{H \ 28}$

mo in laterculo E multiplex primi A maior sit G multiplici secundi B, erit F multiplex tertij C maior H multi-

plice quartæ D. Et si, vt 2. in laterculo, multiplex primi A sit æqualis multiplici secundi B, erit multiplex tertij C æqualis multiplici quarti D. Ac denique si E minor sit G, erit & F minor H, vt tertio in laterculo.

11. Quando acceptis æquemultiplicibus primæ, & tertix magnitudinis itemque secundæ & quartæ, non semper concordant multiplices primæ, & secundæ cum multiplicibus tertix, & quartæ, tunc magnitudines illæ non sunt proportionales, sed maior est ratio primæ ad secundam, quam tertix ad quartam quando multiplex primæ superat multiplicem secundæ, & multiplex tertix non superat multiplicem quartæ.

Altéra quoque est definitio magnitudinum non proportionalium, eaque petita à proprietate illarum perpetua, vt in quibus illa insit, hæ non sint proportionales, & quæ non sint proportionales, eam habeant proprietatem.

Porro Euclides vsus est postremis

82 *Geometriae speculativa*

hisce definitionibus quantitatum Proportionalium, & non proportionalium, quod illæ sint commodæ satis ad demonstrandas proportionalium quantitatum, alias proprietates, quæ ab ea, tanquam à fonte derivantur. Quare utemur & nos adhibitis etiam cum erit opus iis, quas supra attulimus, propterea quod sine illis nullus sit in Geometria proportionalium quantitatum usus.

12. Quando plures magnitudines continuè proportionales fuerint, prima dicitur habere ad tertiam duplicatam rationem illius, quam habet ad secundam: ad quartam vero triplicatam rationem illius, quam habet ad secundam.

Sint proportionales hi numeri. 2. 4. 8. 16. 32. Hoc est ut 2. ad 4, ita 4. ad 8, & 8. ad 16, & 16. ad 32. Si quæras rationem, quæ est inter primum 2, & tertium 8. dicam esse duplicatam illius, quæ est primi 2. ad secundum 4, hoc est eam bis esse fa-

ciendam, vt ad 8. perueniatur, cum dicendum sit vt 2. ad 4, ita 4 ad 8. adeoque bis comparandum. Si vero quæras rationem primi 2. ad quartum 16, dicam esse triplicatam illius, quæ est primi 2. ad secundum 4. hoc est ter esse comparationem illam repetendam, vt ad quartum 16. deueniatur. Nempe vt 2. ad 4, ita 4 ad 8, & 8. ad 16. & ita de quadruplicata ratione, & similibus.

13. Permutata ratio aut alterna est sumptio antecedentis ad antecedentem, & consequentis ad consequentem.

Vt vbi dixisti, sicut 6. ad 3. ita 4. ad 2, si inferas. Ergo permutando vt 6. ad 4. ita 3. ad 2. Demonstratur vero Theoremate 6.

14. Inuerfa, aut Conuerfa ratio est sumptio consequentis tanquam antecedentis, ad antecedens tanquam ad consequens.

Vt vbi dixisti sicut 6 ad 3, ita 4 ad 2, si inferas. Ergo inuertendo vt 2 ad 4, ita 3 ad 6. Stabilitur vero ex defi-

84 Geometria Speculatiua

nitio 5 & 9.

15. Composita ratio est sumptio antecedentis cum consequente tanquam vnius ad consequens.

Vt vbi dixisti, sicut 12 ad 4, ita 6 ad 2, si inferas. Ergo componendo vt 12, & 4 (hoc est 16) ad 4; ita 6, & 2 (hoc est 8) ad 2. Stabilitur vero Theor. 8.

16. Diuisa ratio est sumptio excessus, quo antecedens superat consequens, ad ipsum consequens.

Vt vbi dixisti, sicut 12, & 4 (hoc est 16) ad 4; ita 6, & 2 (hoc est 8) ad 2, si inferas. Ergo diuidendo, vt 12 ad 4, ita 6 ad 2. Stabilitur vero Theor. 7.

17. Conuersa ratio est sumptio antecedentis ad excessum, quo antecedens superat consequens.

Vt vbi dixisti, sicut 12, & 4 (hoc est 16) ad 4, ita 6 & 2 (hoc est 8) ad 2, si inferas. Ergo conuertendo vt 16 ad 12, ita 8 ad 6. stabilitur vero Theor. 9.

18. Aequa ratio est sumptio extremorum

morum per subtractionem medi-
orum.

Vt vbi dixisti; sicut 16 ad 8, ita 12
ad 6; & vt 8 ad 4, ita 6 ad 3, si inferas.

Ergo æquando vt 16 ad 4, ita 12 ad 3.

Stabilitur vero Theor. II.

16. 8. 4.

12. 6. 3.

A X I O M A T A.

1. **A** Equales magnitudines ad
eandem habent eandem ra-
tionem, & eadem ad æquales.

A 2. B 3. C 2. | vt A ad B, ita C ad
B. Et vt B ad A ita B
ad C. Et vero cum A ad B talem ha-
beat rationem quod illud certa por-
tione contineat, habebit quoque C
eandem rationem ad B quod illud
eadem siue æquali portione conti-
neat.

2. Inæqualium magnitudinum
maior ad eandem maiorem habet
rationem, quam minor. Eadem ve-
ro ad minorem maiorem habet ra-

H

86 Geometriae speculativa

tionem, quam ad maiorem.

$\overline{A\ 2.\ B\ 4.\ C.\ 3.}$ C. maiorem habet rationem ad B, quam A ad B; nempe plus continet. Item B. maiorem habet rationem ad A quam ad C. nempe plus continet.

3. Quæ ad eandem eandem habent rationem æquales sunt inter se; & ad quas eadem eandem habet rationem, ipsæ sunt æquales.

$\overline{A\ 2.\ B\ 4.\ C\ 2.}$ vt A ad B, ita C ad idem B. A, & C sunt æqualia, cum contineant B æqualiter. Item vt B ad A, ita idem B ad C. A & C sunt æqualia, cum ea B contineat æqualiter.

4. Rationem habentium ad eandem magnitudinem illa maior est, quæ maiorem habet rationem. Ad quam vero eadem magnitudo maiorem rationem habet, illa minor est.

$\overline{A\ 3.\ B\ 4.\ C\ 2.}$ Maior est ratio A ad B, quam C ad idem B, ergo A magis continet B,

quam C contineat idem B. ergo & A maius est C. Item B maiorem habet rationem ad C, quam ad A. ergo magis continet C, quam A. ergo C minus est, cum plus ab eodem contineatur.

5. Quæ eidem sunt eadem rationes, & inter se sunt eadem.

A.	B.	C.	D.	E.	F.
6.	3.	4.	2.	2.	1.

Vt A ad B. ita C ad D. & vt A ad B, ita E ad F. ergo vt C ad D, ita E ad F. Nempe eadem ubique capacitas.

6. Eadem rationes ad aliam se habent eodem modo.

A.	B.	C.	D.	E.	F.
6.	3.	4.	2.	3.	2.

Vt A ad B, ita C ad D. ergo si ratio A ad B est maior ratione E ad F, ratione quoque C ad D maior erit ratio E ad F. Nempe eadem est capacitas respectu eiusdem.

7. Si fuerint quodcumque magnitudines totidem magnitudinum æque multiplices, quotuplex est vna

H. ij.

88 *Geometriae speculatiuae*

vnus magnitudo, totuplices erunt omnes omnium.

		Sit pollex A.	
A 1 poll.	C 6 pol.	& digitus B,	
B 1 dig.	D 6 dig.	sumanturque	
E 1. pol.	F 6 pol.	6. pollices C.	
dig.	dig.	& sex digiti D.	

si fiat ex pollice A & digito B linea E vnus pollicis, & digiti; fiatque ex 6 pollicibus C & sex digitis D linea F 6 pollicum, & digitorum; vt C est sextupla pollicis vnus A, ita F erit sextupla pollicis, & digiti E. Nempe ex F sumi poterit E sexies.

8. Si magnitudo magnitudinis æque fuerit multiplex, vt ablata ablatae, reliquum quoque reliquæ erit æque multiplex, ac tota totius.

Est axioma præcedens conuersum; positis enim, quæ sunt posita, si à totali F auferantur sex pollices, & à totali E tollatur pollex, restabunt sex digiti, & vnus digitus.

9. Si prima secundæ æque fuerit multiplex, vt tertia quartæ, fuerit autem quinta æquemultiplex se-

cundæ, ut si quartæ, composita ex prima, & quinta erit æque multiplex secundæ, ut composita ex tertia, & sexta est quartæ.

1.	2.	5	3.	4.	6
A	B	E	C	D	F
6.p.	1.p.	4.p.	6.d.	1.d.	4.d.

Sit A prima sextupla secundæ B & C tertia sextupla quartæ D. sit & quinta E quadrupla secundæ B, & F sexta quadrupla quartæ D. si iungantur E, & A, decem erunt pollices, & si iungantur F, & C decem erunt digiti, ac toties licebit in vno pollicem accipere, quoties in alio est digitus.

10. Si duæ magnitudines duarum magnitudinum fuerint æquemultiplices, & ablata aliquæ earundem fuerint æquemultiplices, etiam reliquæ erunt ipsarum æquemultiplices vel æquales.

Est præcedens axioma conuersum. Positis enim, quæ fuerunt exposita, si a linea decem pollicum

auferantur 4 pollices, à linea 10 digitorum tollantur 4 digiti, reliqua linea erit 6 pollicum, & alia 6 digitorum, & vtraque erit æque multiplex, nempe sextupla.

PROPOSITIONES.

THEOREMA PRIMVM.

A *Equemultiplicium æquemultiplices sunt simplicium æquemultiplices.*

Propositio. Si prima magnitudo A sit secundæ B æquemultiplex, vt tertia C quartæ D: sumatur vero quinta E æquemultiplex primæ A, vt sexta F tertiæ C: quam multiplex erit quinta E secundæ B, tam erit sexta F quartæ D.

1	2	5	3	4	6
A.	B.	E	: C	D	F
4.p.	2.p.	8.p	6.d.	3. d.	12.d
H		I	L		M
4.p.		4.p	6.d.		6.d

Præparatio. Diuidantur E, & F in magnitudines æquales ipsi A, & C, nempe in H, I, & L, M, cumque sint æquemultiplices, tot erunt in E. æquales ipsi A, quot in F. æquales C.

Demonstratio. Cum H, & I sint æquales ipsi A, & L, M. ipsi C, quammultiplex erit A ipsius B, & C ipsius D, tam erit H, I ipsius B, & L, M ipsius D. ^a Quia igitur prima H tam ^a 1. A. 3. est multiplex secundæ B, quam tertia L quartæ D, & quia quinta I est æquemultiplex secundæ B, ac sexta M quartæ D. ^b erit composita ex prima H, & quinta I, scilicet tota E æquemultiplex secundæ B, ac composita ex tertia L, & sexta M, hoc est tota F, quartæ D. ^b 9. A. 3.

THEOREMA 2.

Proportionalium æquemultiplices sunt proportionales.

Propositio. Si prima A ad secundam B eandem habuerit rationem, quam tertia C ad quartam D, etiam E, & G æquemultiplices primæ, & tertiæ eandem rationem habebunt; ad F, & H æquemultiplices secundæ, & quartæ.

I	E	A	B	F	L
12.	6.	2	1	2	6
M	G	C	D	H	N
24.	12.	4.	2.	4.	12.

Preparatio. Sumantur I, & M æquemultiplices ipsarum E, & G, itemque L, & N æquemultiplices ipsarum F, & H.

Demonstratio. I est æquemultiplex

primæ A, atque M tertiæ C, a pariterque L est æquemultiplex secundæ B, ac N quartæ D. Ergo, cum sit ut A ad B, ita C ad D, b æquemultiplices illarum I, M & L, N concordant. Sunt vero eadem I & M multiplices ipsarum E & G, perinde ac L, & N ipsarum F, & H. Ergo cum concordent, c erunt illarum simplices inter se proportionales, & ut E ad F, ita G ad H. a 1. T. 3. b 9. D. 3. c 9. D. 8.

THEOREMA 3.

VT una antecedentium ad unam consequentium, ita omnes ad omnes.

Propositio. Si sunt magnitudines quotcunque proportionales, ut A ad B, ita C ad D, & E ad F; sicut se habuerit una antecedentium ad unam consequentium, A ad B, ita se habebunt omnes antecedentes.

94 *Geometriae speculatiuae*

A C E ad omnes consequentes
B D F.

Præparatio. Su- G. 4. H. 6. I. 2.
mantur antece- A. 2. C. 3. E. 1
dentium A, C, E B. 4. D. 6. F. 2
æquemultiplices L. 12. M. 18. N. 6
G, H, I, itemque —
consequentium æquemultiplices
quæuis L, M, N.

Demonstratio. G, H, I sunt æque-
multiplices ipsarum A, C, E ergo a
composita ex G H I erit æquemul-
tiplex compositæ ex ACE, atque est
vna G, vnius A. Item composita ex
L M N erit æquemultiplex compo-
sitæ ex B D F, atque vna L est vnius
B. Quare cum ponatur vt A ad B,
ita C ad D, & E ad F b multiplices
illarum G H I concordabunt, cum
multiplicibus aliarum L M N. Ergo
si G multiplex A superat vel æquat,
vel deserit L multiplicem B, com-
posita ex G H I multiplex omnium
ACE superabit, aut æquabit aut de-
seret compositam ex L M N multi-
plicem omnium B D F. Ergo c illa-

rum simplices sunt proportionales,
& vt A ad B, ita omnes ACE ad om-
nes BDF.

THEOREMA 4.

Proportionalium prima, & ter-
tia concordant cum secunda,
& quarta.

Propositio. Si prima A ad secundam
B eandem rationem habeat, quam
tertia C ad quartam D, si prima ma-
ior est tertia, secunda quoque ma-
ior erit quarta, & si prima æquat
tertiam, secunda æquabit quartam,
ac denique si prima minor est tertia,
minor quoque erit secunda quarta.

Demonstratio prima
partis. Quando A maior est C, a maior
est ratio A ad D, quam C ad D. Est
vero vt C ad D, ita A ad B. Ergo b, b 6. A. 3.
maior est ratio A ad D, quam A ad

8	4	9	3	
A	B.	C.	D	a 2. A. 3.

96 Geometriae Speculatiuae

c 2. A. 3.

B. Ergo c D est minor quam B.

Demonstratio secunda

partis, quando A est	4.	2.	4.	2
æqualis C, Eadem	A.	B.	C	D

a 1 A. 3.

b 6. a. 3.

est ratio a A ad D, quæ C ad D. sed
 ut C ad D, ita A ad B. Ergo b eadem
 est ratio A ad D, quæ eiusdem
 B. Ergo c B, & D sunt æquales.

c 3. A. 3.

Demonstratio tertia

partis quando A	4	2	6	3
minor est C, a mi-	A	B	C	D

a 2. A. 3.

nor est ratio A ad D, quam C ad D,
 ut vero C ad D ita A ad B. Ergo mi-
 nor est ratio A ad D, quam eiusdem
 A ad B. ergo B minor est D.

THEOREMA 5.

Partes, & æquemultiplices
 sunt proportionales.

Propositio. Si partium A, & B sint
 æquemultiplices C, & D, erunt
 partes A, B, & æquemultiplices
C, D

C, D proportionales, eritque vt A ad B, ita C ad D.

C 9. E 3. F 3. G 3.

A 3

B 2

D 6. H 2. I 2. L 2.

Preparatio. Diuidantur æquemultiplices C. & D in partes æquales ipsis A, & B. Scilicet in E, F, G, & H, I, L.

Demonstratio. Vt E ad H, ita F ad I, & G ad L. ergo ^a vt E ad H ita ^a EFG ad HIL. vt autem E. ad H ita A ad B ergo vt A ad B ita EFG hoc est C ad HIL, siue D.

THEOREMA 6.

Proportionales sunt vicissim proportionales.

Propositio. Si quatuor magnitudines proportionales fuerint: vt A ad B, ita C ad D, & vicissim proportionales erunt: vt A ad C, ita B ad D,

I

98 *Geometria speculativa*

quæ est Permutata ratio.

Preparatio. E 8. A 4. B 2. F 4.
Sumantur pri-
mæ A, & se-
cundæ B æquemultiplices quæuis
E, & F, itemque tertiæ C, & quar-
tæ D æquemultiplices quæuis G.
& H.

Demonstratio. vt A ad B ita E ad F:
a 6. T. 3. sed vt A ad B, ita C ad D. ergo b vt
b 6. A. 3. C ad D ita E ad F. Rursum vt C ad
c 5. T. 3. D, ita G ad H. c ergo vt E ad F, ita
d 4. T. 3. G ad H. ergo d E, & G concordant
cum F, & H. Ergo si sumatur A pri-
ma, & C secunda, itemque B tertia,
& D. quarta; E, & F erunt æque-
multiplices primæ, & tertiæ, vti G,
& H secundæ, & quartæ, ac concor-
dabunt multiplices primæ, & secun-
dæ cum multiplicibus tertiæ, &
e 9. D. 3. quartæ, ergo e & simplices erunt
proportionales, eritque vt A ad C,
ita B ad D.

THEOREMA 7.

Compositæ proportionales ;
 Etiam diuisæ sunt proportio-
 nales.

Propositio. Si compositæ magnitudines AB ex AE, EB, & CD ex CF, FD proportionales fuerint, vt AB ad BE, ita CD ad DF, hæc quoque diuisæ proportionales erunt: vt AE ad EB, ita CF ad FD. quæ est diuisa ratio.

Præparatio.

Sumantur ip- sarum AE, & EB æquemul- tiplices quæ- uis GH. HI, itemque ipsa- rum CF, FD	G.	H	I	L.
	----- ----- -----			
	A	E	B	
	----- -----			
	C	F	D	
	----- -----			
	M	N	O	P
	----- ----- -----			

æquemultiplices MN, NO. Item sumantur IL, & OP æquemulti-
 I ij

100 *Geometria speculatiua*

plices ipsarum EB, FD.

Demonstratio. GH, HI sunt æquemultiplices ipsarum AE, EB. ergo
 a 7. A. 3. ^a quam multiplex est GH ipsius AE, tam multiplex est tota GI totius AB. Eodem modo quam multiplex est MN ipsius CF, tam est tota MO totius CD. Rursum, cum prima HI sit æquemultiplex secundæ BE, vt est tertia NO quartæ DF; sitque præterea quinta IL secundæ BE æquemultiplex, vt sexta OP quartæ DF, erit^b tota HL æquemultiplex ipsius BE, vt est tota NP ipsius DFⁱ, adeo vt GI, MO sint æquemultiplices ipsarum AB, CD, sintque etiam HL, NP ipsarum BE, DF. Quare cum supponatur vt, AB ad BE, ita
 c 9. D. 3. CD ad DF, ^c multiplices illarum GI, HL concordant cum MO, NP. ergo ablatis communibus HI, NO etiam^d concordabunt GH, IL cum MN, OP. ergo & illarum simplices sunt proportionales, & vt AE ad EB, ita CF ad FD.

THEOREMA 8.

Divise magnitudines proportionales, etiam compositæ sunt proportionales.

Propositio. Si divisæ magnitudines AE, EB & CF, FD sint proportionales, ut AE ad EB, ita CF ad FD, hæc quoque compositæ proportionales erunt. Ut AB ad BE, ita CD ad DF.

Preparatio Si ut $\frac{A \quad E \quad B}{AB \text{ ad } BE \text{ non est}}$
 $\frac{C \quad F \quad D}{CD \text{ ad } DF, \text{ sit ad}}$
 $\frac{D \quad G \quad \text{maio-}}{D G \text{ maiorem,}}$
 $\frac{G \quad H}{\text{vel ad } DH \text{ mino-}}$
 rem ipsa DF.

Demonstratio. Si ut AB ad BE ita CD ad DH minorem, erit diuidendo ut AF ad EB, ita CH ad HD. Sed ut AE ad EB ponitur esse CF ad FD. ergo ut CH ad HD, ita CF ad FD. ergo a cum prima CF sit minor ter- a 4. T. 3.

tia CH, erit secūda FD minor quārta HD contra hypoth. Si vero vt AB ad BE, ita CD ad DG maiorē, erit diuidendo vt AE ad EB, ita CG ad GD, sed vt AE ad EB, ita ponitur CF ad FD. ergo vt CG ad GD, ita CF ad FD. ergo cum prima CG sit minor tertia CF, erit secunda GD minor quarta FD, contra hypothesim. Ergo cum CD non sit ad maiorem, nec ad minorem ipsa FD, erit ad ipsam.

THEOREMA 9.

SI tota, & ablata proportionia sunt, etiam reliqua, & tota.

Propositio. Si fuerit vt totum AB ad totum CD, ita ablatum AE ad ablatum DF; erit & reliquum EB ad reliquum FD vt totum AB ad totum CD.

Demonstratio. Vt $\frac{A}{B}$ ad $\frac{C}{D}$, ita $\frac{E}{F}$ ad $\frac{G}{H}$. ergo permutando vt $\frac{A}{C}$ ad $\frac{E}{G}$ ita $\frac{B}{D}$ ad $\frac{F}{H}$.
 AB ad CD, ita AE ad CF. ergo permutando vt AB ad AE ita CD ad CF. ergo diuidendo vt BE ad EA, ita DF ad FC. ergo permutando vt BE ad DF ita EA ad FC. Sed vt AE ad CF, ita AB ad CD. ergo vt ablatum BE ad ablatum DF ita totum AB ad totum CD.

THEOREMA 10.

Proportionalium ex. equo prima, & tertia concord. ut cum quarta, & sexta.

Propositio. Si sint tres magnitudines ABE, & alia ipsi æquales numero CDF, quæ binæ, & in eadem ratione sumantur. Vt A ad B, ita C ad D, & vt B ad E, ita D ad F, ex æquo concordabunt prima A, &

104 Geometria speculatiua

tertia E cum quarta C, & sexta F.

Demonstratio.

	1	2	3	4	5	6
Quando A su-	A	B	E	:	C	D
perat E. A est	8.	4.	2		12.	6.
maior quam E.						3

a 2. A. 3. ergo ^a ratio A ad B maior est ratione E ad eandem B. est autem vt A ad B, ita C ad D. ergo maior erit ratio C ad D, quam E ad B. est autem vt E ad B, ita F ad D per conuersam rationem. ergo ^b maior erit ratio C ad D, quam F ad eandem D. ergo C maior erit quam F.

Demonstratio.

	1	2	3	4	5	6
Quando A est	A	B	E	:	C	D
æqualis E. A est	8.	4.	8.		12.	6
æqualis E, ergo						12

a 2. A. 3. ^a vt A ad B, ita E ad eandem B. sed vt A ad B, ita C ad D. ergo vt C ad D ita E ad B. Est vero vt E ad B, ita F ad D. ergo vt C ad D, ita F ad eandem D. ergo ^b C, & F sunt æquales.

Demonstratio.

	A	B	E	:	C	D
Quando A est	8.	4.	12		6.	3.
minor E. A est						9.

minor E. ergo ^a minor est ratio A ad B quam E ad eandem B. sed ut A ad B, ita C ad D. ergo minor est ratio C ad D, quam E ad B. ut vero E ad B, ita F ad D. ergo minor est ratio C ad D, quam F ad eandem D. ergo ^b C minor est, quam F.

a 2. A. 3.
b 4. A. 3.

Ergo semper prima, & tertia concordant cum quarta, & sexta.

THEOREMA II.

Bina proportionales sunt ex æquo proportionales.

Propositio. Si sint quotcunque magnitudines ABE, & aliæ ipsis æquales numero CDF, quæ binæ in eadem ratione sumantur. Ut A ad B, ita C ad D. Et ut B ad E ita D ad F, erit etiam æquando ut A ad E, ita C ad F.

Preparatio. Sumantur ipsarum

106 *Geometriae speculativæ*


A, & C æque-	8.	4.	12	6.	3.	9.
multiplices	A	B	E :	C	D	F
G. L. Item ip-	G	H	I :	L.	M.	N.
sarum B, D,	16.	12.	24	12.	9.	18.
æquemulti-	<hr/>					
plices H, M,	denique I, N ipsarum					
E, F.						


Demonstratio. Vt A ad B, ita C ad
 a 2. A. 3. D. ergo a vt G ad H, ita L ad M.
 Rursum vt B ad E, ita D ad F. ergo
 b 10. T. 3. vt H ad I, ita M ad N. ergo ^b G, & I
 concordant cum L, & M. ergo & il-
 larum simplices siue partes sunt
 proportionales, & vt A ad E, ita C
 ad F..



G E O M E T R I Æ
S P E C V L A T I V Æ
 LIBER QVARTVS.


DEFINITIONES.

- I.  Imiles figuræ rectilineæ sunt illæ, quæ angulos singulos singulis æquales habent, & latera circa æquales angulos proportionalia.



Talia sunt trian-
 gula ABC, DEF,
 angulus A æqua-
 lis D, & vt AB ad
 AC, ita DE ad
 DF, &c.

2. Reciproca figuræ sunt, cum in vtraque figura antecedentes, & consequentes rationum termini fuerint.



Talia sunt parallelogramma A, & B si sit vt latus A ad latus B; ita latus C ad latus D.

3. Altitudo cuiusque figuræ est lineà perpendicularis à vertice ad basim ducta, atque omnino triangula posita inter easdem parallelas eandem habent altitudinem, sicut & illa, quæ apices habent simul, & bases in vna recta linea, vt sequenti in figura.


Libro tertio pa

Pag. 75. lin. 9. Maior *pro* M


pag. 87. lin. 20. tione *pro* ra
ratio *pro* tione

pag. 95. 8. 4. 2. 3. *pro* 8. 4. 6. 3.

pag. 99.



pag. 101.



pag. 102. linea antepen. DF *pro*

pag. 106. linea proantepen. M


pag.110



pag.112.




pag.131.



pag.114.

lin.5. ergo prove




PROPOSITIONES.

THEOREMA PRIMVM.

Triangula, & parallelogramma eiusdem altitudinis ita se habent vt bases.

Propositio. Triangula ABC, DEF, quorum eadem fuerit altitudo, siue quæ sint inter easdem parallelas AD, BF, ita se habent vt bases. Vt prima magnitudo BC ad secundam EF, ita tertia ABC ad quartam DEF.



Preparatio.

Sumantur

BI, IG equa-

les ipsi BC:

itemq; FH,

GM æ-

quales ipsi

EF, fiantque triangula ductis rectis

K

110. *Geometriae speculatiuae*

AI, AG, & DH, DL, DM, adeo ut
 triangula AGI, AIB, ABC ob æqua-
 litatem basium ^a sint æqualia, nec
 non alia inter se DEF, DFH, DHL,
 DLM. atque eo pacto, ut tota GB
 est multiplex basis BC, ita triangu-
 lum AGB est æque multiplex triangu-
 luli ABC, hoc est primæ, & tertiæ
 magnitudinis: item basis FM, &
 triangulum DFM sunt æque multi-
 plices secundæ magnitudinis EF, &
 quartæ DEF.

Demonstratio. Si basis GB æqualis
 est basi FM, est etiam triangulum
 AGB æquale triangulo DFM. ^b Et
 si basis GB est minor FM, minus
 quoque est AGB ipso DFM. ac de-
 nique si GB maior est basi FM, ma-
 ius quoque est AGB ipso DFM.
 ergo ^c duæ bases GB, FM concor-
 dant cum triangulis AGB, DFM.
 ergo ^d & illarum simplices sunt pro-
 portionales, & ut BC ad EF, ita
 ABC ad DEF.

Quia vero parallelogramma
 semper erunt dupla triangulorum,

e habebunt se eodem modo, ac re- c. 25. T. 1.
curret eadem demonstratio.

THEOREMA 2.

Parallela lateri trianguli secat
latera proportionaliter.

Propositio. Si ad unum trianguli



ABC latus BC
parallela ducta
fuerit DE, hæc
proportionaliter
secabit latera AB,
AC, eritque ut
AD ad DB, ita AE

ad EC.

Præparatio. Ducantur rectæ DC,
EB.

Demonstratio. Duo triangula DEB,
EDC sunt super eadem basi DE, &
inter easdem parallelas DE, BC.
ergo ^a & inter se æqualia. ergo ut b ^{a. 1. T. 4.}
ADE ad DEB, ita idem ADE ad ^{b. 1. A. 3.}


112 *Geometria speculativa*

a 1. T. 3. EDC. vt autem ADE ad DEB ita
 basis AD ad basim DB. & ergo vt
 ADE ad EDC ita AD ad DB. Vt
 vero ADE ad EDC ita AE ad EC.
 ergo vt AD ad DB, ita AE ad EC.

THEOREMA 3.

A *Equi-angulorum triangu-
 lorum proportionalia sunt
 latera.*

Propositio. *Æquiangulorum trian-*



gulum ABC,
 CCE ita vt A sit
 æqualis D, & B
 ipsi C, & C ipsi
 E, proportionalia
 sunt latera, quæ
 circa æquales an-
 gulos vt AB ad BC, ita DC ad CE
 &c.

Preparatio. Statuantur bases BC,
 & CE super eadem recta BE, adeo

vt angulus B opponatur æquali sibi DCE, itemque ACB æquali E. Et quia Anguli DCE, & E sunt ambo simul minores duobus rectis, ^a est- ^{a 17. T. 16}
 que B æqualis ipsi DCE, erunt duo ABC, DEC minores duobus rectis, adeoque productæ rectæ BA, ED tandem concurrent in F, fietque triangulum FBE. Et quia in rectas FE, & AC cadit recta BCE faciens duos oppositos ad easdem partes in-
 ternum DEC, & externum ACB inter se æquales, erunt ^b inter se pa- ^{b 13. T. 11}
 rallelæ rectæ FE AC. Rursum quia in rectas FB, DC cadit recta ECB faciens oppositos internum ABC, & externum DCE æquales inter se, erunt quoque rectæ FB, DC inter se parallelæ, eritque ex definitione parallelogrammi, FACD parallelo-
 grammum.

Demonstratio. In triangulo FBE linea AC est parallela lateri FE. Ergo vt BA ad AF, ita BC ad CE. ergo ^{c 2. T. 4.}
 permutando vt BA ad BC, ita AF ad CE, est autem CD æqualis AF. ^{d d 21. T. 11.}

114 *Geometriae Speculatiuae*

ergo vt AB ad BC, ita DC ad CE.
 Iterum quia DC est parallela lateri
 FB, erit vt EC ad CB, ita ED ad DF.
 vero permutando vt EC ad ED, ita
 CB ad DF. Est ergo CA æqualis DF.
 ergo vt EC ad ED, ita CB ad CA.
 Tandem vt AB ad BC, ita DC ad
 CE, & vt BC ad CA, ita CE ad ED.
 ergo æquando vt AB ad AC, ita DC
 ad DE.

THEOREMA 4.

Triangula proportionalium
 laterum sunt æqui-angula.

Propositio. Si duo triangula ABC,



DEF habeant la-
 tera proportio-
 nalia, vt AB ad
 AC, ita DE ad
 DF, &c. æqui-
 angula erunt tri-
 angula, & habebunt

æquales oppositos proportionali-

Liber quartus. 115

bus lateribus angulos A ipsi D, &c.

Præparatio. Fiat angulus EFG æqualis angulo C, & FEG angulo B, ^{a 18. T. 1.} eritque ^a reliquus G æqualis reliquo A, eruntque triangula ABC, EFG æquiangula.

Demonstratio. Vt AB ad BC, ita ^{b 3. T. 4.} GE ad EF. ^b vt autem AB ad BC, ita DE ad EF. ergo vt GE ad EF, ita ^{c 1. A. 3.} DE ad eandem EF, ergo ^c GE & DE sunt æquales. Pari modo ostendetur GF æqualis ipsi DF. quare cum duo latera GE, GF sint æqualia duobus DE, DF, & basis EF sit ^{d 11. T. 1.} communis, ^d erit triangulum D. F æquale triangulo GEF, & æquiangulum. Est autem eidem GEF æquiangulum ABC. ergo & triangulum DEF est æquiangulum triangulo ABC.

THEOREMA 5.

EX equali angulo, & lateribus illius proportionalibus æquiangula triangula.

Figura
Theor.
præced.

Propositio. Si duo triangula ABC, DEF unum angulum ABC uni angulo DEF æqualem habeant, & circum angulos proportionalia latera, ut AB ad BC, ita DE ad EF, æquiangula erunt triangula.

Præparatio. Fiat angulus FEG, æqualis angulo B, & EFG ipsi C. eritque G æqualis A, ^a atque adeo æquiangula ABC, GEF.


Demonstratio. Ut AB ad BC, ita GE ad EF. ^b ut vero AB ad BC, ita DE ad EF. Ergo ut GE ad EF ita DE ad eandem EF. ergo ^c GE, & DE sunt æquales. Atque adeo in triangulis DEF, GEF duo latera DE, EF sunt æqualia duobus GE,

EF, est & angulus GEF æqualis angulo B, hoc est, vt supponitur, angulo DEF. ergo duo triangula DEF, GEF sunt æquiangula. sunt autem & duo ABC, GEF æquiangula, ergo & duo ABC, DEF sunt æquiangula.

THEOREMA 6.

In reſtangularis triangulis perpendicularis à reſto in baſim facit triangula inter ſe, & toti ſimilia.

Propoſitio. Si in triangulo reſtangulari ABC ab angulo reſto A in baſim BC perpendicularis AD ducatur, quæ fiet triangula ABD.



ADC erunt tum toti triangulo ABC, tum inter ſe ſimilia.


118 Geometria speculativa

Demonstratio In triangulis $A B C$,
 & $D A B$, duo anguli $B A C$ rectus,
 & $A B C$ sunt æquales duobus $A D B$
 recto, & eidem $D B A$. ergo ^a &
 tertius $A C B$ est æqualis tertio $D A B$.
 ergo æqui angula sunt triangula
 $A B C$, $D A B$. ergo ^b proportionalia
 habent latera. ergo ^c sunt similia.
 Eodem modo demonstratur $A D C$
 simile ipsi $A B C$, atque adeo, cum
 $A D B$, $A D C$ habeant æquales an-
 gulos toti $A B C$, sunt æqui-angula,
 & similia.

THEOREMA 7.

Æqualium, & æquiangulo-
 rum parallelogrammorum re-
 ciprocæ sunt latera, & contra.

Propositio. Æqualium parallelo-



grammorū L, M,
 & vnum angulum
 BDC vni angulo
 EDF æqualem
 habentiū recipro-
 ca sunt latera, quę
 circa æquales an-

gulos, vt ED ad DE, ita FD, ad
 DB, contra vero si parallelogram-
 morum AD, DG vnum angulum
 BDC vni EDF æqualem habentium
 reciproca sunt latera circa æ-
 quales angulos. Vt CD ad DE, ita
 FD ad DB, æqualia sunt paralle-
 logramma AD, DG.

Præparatio. Producatur latera CD
 in E, & BD in F, fiatque paralle-
 logrammum DG æqui-angulum,
 & æquale alteri M, deinde produ-
 cantur GE, & AB in H, vt fiat pa-
 rallelogrammum commune DH,
 suntque DA, DH in eadem altitu-
 dine, siue inter easdem parallelas,
 vti & duo DH & DG.

Demonstratio. Duo parallelogram-
 ma CB, DH sunt in eadem altitu-

120 *Geometriæ speculatiuæ*

a 1. T. 4. dine. ergo ^a vt CD ad DE, ita parallelogrammum CB ad DH. Est autem vt CB ad DH, ita æquale FE ad idem DH^b. ergo vt CD ad DE ita parall. FE ad DH. sed vt FE ad DH, ita FD ad DB. ergo vt CD ad DE, ita FD ad DB.

Ex aduerso vero si sint latera circa æquales angulos BDC, EDF recipi roca, vt CD ad DE, ita FD ad DB erunt parallelogramma CB, DG æqualia: eadem enim in Præparatione, vt CD ad DE ita parall. CB ad DH. Et vt FD ad DB, ita parall. FE ad DH. Est vero vt CD ad DE ita FD ad DB. ergo vt CB ad DH, ita FE ad idem DH. ergo ^c æqualia sunt CB, FE.

c 3. T. 3.

THEOR.

THEOREMA 8.

Triangulorum equalium, & habentium æqualem angulum reciproca sunt latera, & contra.

Propositio. Æqualium triangulo-



rum F, G, & habentium æqualem angulum unum ACB vni ECD reciproca sunt latera, quæ circa æquales angulos vt

BC ad CE, ita DC ad CA, & contra.

Preparatio. Productis vt supra lateribus DC in A, & EC in B fiat triangulum ABC, sumptis lateribus CB, CA æqualibus aliis CB, CA, & ducta BA, vt triangulum ABC sit æquale, & simile ipsi F. Ducatur deinde recta AE, vt fiat commu-

L

122 Geometriae Speculatiuae

ne triangulum ACE.


- a 1. T. 4. *Demonstratio.* Vt EC ad CE, a ita
 ABC ad ACE, est autem vt ABC ad
 ACE, ita æquale CDE ad idem
 ACE. ergo vt BC ad CE, ita DCE
 ad ACE. Est autem vt DCE ad CEA
 b 1. T. 4. ita DC ad CA. b ergo vt BC ad CE,
 ita DC ad CA.

Ex aduerso vero si latera sint re-
 ciproca circa æquales angulos vt
 BC ad CE, ita DC ad CA, erunt
 ipsa triangula æqualia. Eadem enim
 in Preparatione, vt BC ad CE; ita
 DC ad CA. vt vero BC ad CE, ita
 c 1. T. 4. ABC ad ACE. c Et vt DC ad CA ita
 DCE ad CEA. ergo vt ABC ad
 CEA, ita DCE ad idem CEA. ergo
 d 3. A. s. d ABC, & CDE sunt æqualia.

THEOREMA 9.

Rectangulum sub extremis
 proportionalium æquale est
 illi, quod sub medietis.

Propositio. Si quatuor lineæ pro-



portiones fuerint, ut A ad B, ita C ad D, quod sub extremis A, & D comprehenditur rectangulum AD æquale est ei,

quod sub mediis B, C comprehenditur BC, & contra.

Præparatio. Fiant ex dictis lineis parallelogramma rectangula, adeoque æquiangula AD, CB, & disponantur ut supra.

Demonstratio. Parallelogramma AD, CB habent æquales angulos, & circa illos reciproca latera ut A ad B, ita C ad D, ergo ^a sunt æqualia. a 7. T. 4.

Ex aduerso vero si sub extremis A, & D comprehensum rectangulum AD, æquale fuerit rectangulo CB comprehenso sub mediis, quatuor illæ rectæ A B, C, D, erunt proportionales ut A ad B, ita, C ad D.

Eadem enim in præparatione parallelogramma AD, CB ponuntur æqualia, habentque rectos, adeo-


124 *Geometriae speculativa*

7.T.4. que æquales angulos: ergo. ^b illorum latera sunt reciproca, & ut A ad B, ita C ad D.

THEOREMA 10.

Rectangulum sub media triū proportionalium æquale est illi, quod sub extremis, & contra.

Propositio. Si tres rectæ A, B, D proportionales fuerint ut A ad B, ita B ad D, quod sub extremis A, & D fiet rectangulum A D, æquale erit ei, quod à media



B fiet BC. Contra vero si sub extremis comprehensum rectangulum æquale est quadrato mediæ, proportionales sunt illæ tres rectæ.

Demonstratio. Tribus illis rectis inseratur C æqualis ipsi B, ut sit sicut


A ad B, ita C ad D, ac tunc recurret superior demonstratio positis illis quatuor proportionalibus, eritque rectangulum BC sub æqualibus B, C comprehensum Quadratum mediæ B.

THEOREMA II.

Similia triangula sunt in duplicata ratione laterum proportionalium.

Propositio. Similia triangula ABC,

DEF sunt in duplicata ratione laterum proportionalium BC, EF. hoc est, si latera sumantur proportionalia BC, EF,



& quærat^rur tertia aliqua proportionalis, adeo ut sit sicut BC ad EF, ita EF ad tertiam HI, triangulum

126 *Geometria speculativa*

ABC factum supra primam BC erit ad triangulum DEF factum similiter supra secundam EF, sicut se habet prima BC ad tertiam HI.

Preparatio. Si latus BC est maius EF rescindatur ex eo recta BG æqualis tertiæ HI, ducaturque AG, adeo ut duo fiant triangula ABG, AGC eiusdem altitudinis.

Demonstratio. Quia ponuntur similia triangula, erit ut AB ad BC, ita DE ad EF. ^a ergo permutando ut AB ad DE, ita BC ad EF. Ut autem BC ad EF, ita ponitur EF ad BG, ergo duo ABG, DEF reciproca habent latera AB ad DE, & EF ad BG, & æquales angulos iis contentos B, E. ergo ^b sunt æqualia. Ergo ut ABC ad DEF, ita idem ABC ad ABG æquale ipsi DEF. Ut autem ABC ad ABG, ita BC ad BG. ^c ergo ut ABC ad DEF, ita BC ad BH, siue ad illi æqualem HI, quæ tertia est proportionalis.



Quod si BC, & EF ponantur æqualia, æqualia quoque erunt

Triangula, adeoque in ratione postulata.

THEOREMA 12.

Similia polygona in similia triangula diuiduntur & numero equalia, & homologa totis; Et polygona habent inter se duplicatam rationem eius, quam habet latus homologum ad homologum.

Propositio. Sint polygona similia



ABCDE, & GHI-
LM. hoc est ha-
beant equales an-
gulos, & circa il-
los proportiona-
lia latera, i. diui-
dentur in triangu-
la similia, vt ABC
fit simile GHI
&c, eruntque tot
in vno, quot in
alio. 2. Triangula
illa erunt homo;

12.8 Geometriae Speculariue

loga sine proportionalia totis polygonis; Vt triangulum ABC ad GHI, ita polygonum ABCDE ad GHILM. 3. Polygona inter se habebunt duplicatam rationem laterum proportionalium, hoc est si sit vt CD ad IL, ita IL ad tertium proportionale NO, erit vt CD ad NO, ita ABCDE ad GHILM, quæ est duplicata ratio.

Preparatio. ducantur ab vno angulo rectæ AC, AD, & GI, GL.

Demonstratio prima partis. Quia tot sunt anguli in vno, quot in alio, tot erunt triangula in vno, quot in alio. Quia vero in triangulis ABC, GHI angulus B est æqualis H, & latera BA, BC proportionalia ipsis GH, HI, triangula erunt similia. ^a Idem vero ostendetur de triangulis AED, GML. Rursum vt AC ad CB, ita GI ad IH ob similia triangula, & vt BC ad CD, ita ob similia polygona HI ad IL. ergo æquando vt AC ad CD, ita GI ad IL. Est vero angulus BCD æqualis HIL. ergo ablato

æquali hinc ACB, inde G¹H resta-
bunt æquales duo ACD, GIL, adeo-
que triangula duo ACD, GIL ha-
bent angulum æqualem, & latera
circa illum proportionalia. ergo ^b b5. T. 4.
& sunt similia.

Demonstratio secundæ partis. Quia
similia sunt triangula ABC, G¹HI
habebunt ^c duplicatam rationem ^c 11. T. 4.
laterum AC, G¹I. Sunt autem & si-
milia ACD, GIL. ergo & habebunt
duplicatam rationem eorundem la-
terum AC, G¹I. ergo erit vt ABC ad
GHI, ita ACD ad GIL. Rursum
vero AED, GML sunt similia. ergo
habent, duplicatam rationem late-
rum homologorum AD, GL. Ha-
bent autem ACD, GIL duplicatam
quoque rationem laterum eorum-
dem AD, GL. Ergo vt AED ad
GML, ita ACD ad GIL, & vt ACD
ad GIL, ita ABC ad GHI. ergo ^d vt ^d 3. T. 3.
vnum antecedentium AED, ad
vnum consequentium GML, ita
omnia antecedentia hoc est poly-
gonum ABCDE, ad omnia conse-


130 *Geometria speculatiua*
quentia, sine polygonum GHILM.

Demonstratio tertia partis. Vt triangulū vnum quoduis ACD ad aliud proportionatum GIL, ita polygonum totum ad totum. Est autem triangulum ACD ad GIL in duplicata ratione lateris CD ad IL. ergo & totum polygonum ABCDE erit ad GHILM in duplicata ratione laterum CD, IL.

THEOREMA 13.

Eidem rectilineo similia sunt
inter se similia.

[*Propositio.* Si ABC est simile G, &



eidem G est simile DEF, est quoque ABC simile DEF.

Demonstratio. Anguli polygoni ABC sunt æquales

angulis polygoni G, sunt & æquales anguli polygoni DEF angulis eiusdem G, ergo & inter se æquales. Rursum latera angulorum polygoni ABC, & DEF sunt proportionalia lateribus angulorum polygoni G. ergo & inter se proportionalia. ergo & polygona similia.

THEOREMA 14.

EX quatuor proportionalibus facta similia polygona sunt quoque proportionalia.

Propositio. Si quatuor-lineæ BC, EF, HI, MN sint proportionales ut BC ad EF, ita HI ad MN, & ab iis recti-linea similia, similiterque posita describantur ABC, DEF, & HL, MO quævis

132 *Geometriae speculatiuæ*

dum similia, illa proportionalia erunt vt ABC ad DEF, ita HL ad MO.


Præparatio. Reperiatur tertia proportionalis G vt sit sicut BC ad EF ita EF ad G, sitque adeo BC ad G duplicata eius quæ est BC ad EF. Reperiatur similiter tertia P.

Demonstratio. Vt BC ad EF, ita HI ad MN, & vt EF ad G, ita MN ad P. ergo æquando vt BC ad G, ita HI ad P. Vt autem BC ad G, ita ABC ad DEF. ^{a 11. T. 4.} ergo vt ABC ad DEF ita HI ad P. Vt autem HI ad P, ita AL ad MO. ergo vt ABC ad DEF, ita HL ad MO.


THEOREMA 15.

IN circulis æqualibus anguli sunt proportionales circumferentiis.

Propositio. In circulis æqualibus
ex



ex centro A, & G anguli BAC, HGI eandem habent rationem cū peripheriis, quibus insistent BC, HI, vt sit sicut BAC ad HGI, ita BC ad HI.



Preparatio. Sumantur circumferentiæ CD, DE, æquales ipsi BC, similiterque IL, LM æquales ipsi HI, ducanturque radij AD, AE, AF, & GL, GM, ad eò vt anguli CAD, DAE, EAF sint æquales inter se, sicut & IGL, LGM inter se. Quo pacto vt circumferentia CF erit multiplex ipsius BC, ita angulus CAF erit æquemultiplex anguli BAC, hoc est primæ, & tertix magnitudinis: similiterque IM erit multiplex ipsius HI, & angulus IGM æquemultiplex anguli HGI, hoc est secundæ, & quartæ magnitudinis.

similiterque IL, LM æquales ipsi HI, ducanturque radij AD, AE, AF, & GL, GM, ad eò vt anguli CAD, DAE, EAF sint æquales inter se, sicut & IGL, LGM inter se. Quo pacto vt circumferentia CF erit multiplex ipsius BC, ita angulus CAF erit æquemultiplex anguli BAC, hoc est primæ, & tertix magnitudinis: similiterque IM erit multiplex ipsius HI, & angulus IGM æquemultiplex anguli HGI, hoc est secundæ, & quartæ magnitudinis.

M

134 *Geometria speculativa*


Demonstratio. Si peripheria CF æqualis est peripheriæ IM ; etiam angulus CAF æqualis est angulo IGM : ac si CF maior est quam IM , maior quoque est CAF ipso IGM : si denique CF minor est quam IM , minor quoque est CAF ipso IGM , ergo duæ circumferentiæ CF , IM concordant cum angulo CAF , IGM , ergo simplices illarum sunt proportionales, & vt BC ad HI , ita BAC ad HGI .





E L E M E N T A
G E O M E T R I Æ
P R A C T I C Æ.

P O S T V L A T A.

1.  Quouis puncto ad quoduis punctum liceat lineam rectam ducere.
2. Lineam rectam terminatam liceat in continuum rectam producere.
3. Quouis centro, & quouis intervallo liceat circulum describere.
4. Cuius datæ lineæ rectæ liceat aliam rectam æqualem sumere.

122 *Geometria speculatiua*
ne triangulum ACE.


- a 1. T. 4. *Demonstratio.* Vt EC ad CE, a ita
ABC ad ACE, est autem vt ABC ad
ACE, ita æquale CDE ad idem
ACE. ergo vt BC ad CE, ita DCE
ad ACE. Est autem vt DCE ad CEA
b 1. T. 4. ita DC ad CA. b ergo vt BC ad CE,
ita DC ad CA.

- Ex aduerso vero si latera sint re-
ciproca circa æquales angulos vt
BC ad CE, ita DC ad CA, erunt
ipsa triangula æqualia. Eadem enim
in Præparatione, vt BC ad CE; ita
DC ad CA. vt vero BC ad CE, ita
c 1. T. 4. ABC ad ACE. c Et vt DC ad CA ita
DCE ad CEA. ergo vt ABC ad
CEA, ita DCE ad idem CEA. ergo
d 3. A. s. a ABC, & CDE sunt æqualia.

THEOREMA 9.

Rectangulam sub extremis
proportionalium æquale est
illi, quod sub medijs.

Propositio. Si quatuor lineæ pro-



portiones fuerint, ut A ad B, ita C ad D, quod sub extremis A, & D comprehenditur rectangulum AD æquale est ei,

quod sub mediis B, C comprehenditur BC, & contra.

Præparatio. Fiant ex dictis lineis parallelogramma rectangula, adeoque æquiangula AD, CB, & disponantur ut supra.

Demonstratio. Parallelogramma AD, CB habent æquales angulos, & circa illos reciproca latera ut A ad B, ita C ad D. ergo ^a sunt æqualia. a 7. T. 4.

Ex aduerso vero si sub extremis A, & D comprehensum rectangulum AD, æquale fuerit rectangulo CB comprehenso sub mediis, quatuor illæ rectæ A B, C, D, erunt proportionales ut A ad B, ita, C ad D.

Eadem enim in præparatione parallelogramma AD, CB ponuntur æqualia, habentque rectos, adeo-


124 Geometriæ speculatiuæ

7.T.4. que æquales angulos; ergo. ^b illorum latera sunt reciproca, & vt A ad B, ita C ad D.

THEOREMA 10.

Rectangulum sub mediatriũ proportionalium æquale est illi, quod sub extremis; & contra.

Propositio. Si tres rectæ A, B, D proportionales fuerint vt A ad B, ita B ad D, quod sub extremis A, & D fiet rectangulum A D, æquale erit ei, quod à media



B fiet BC. Contra vero si sub extremis comprehensum rectangulum æquale est quadrato mediæ, proportionales sunt illæ tres rectæ.

Demonstratio. Tribus illis rectis inseratur C æqualis ipsi B, vt sit sicut

A ad B, ita C ad D, ac tunc recurret superior demonstratio positis illis quatuor proportionalibus, eritque rectangulum BC sub æqualibus B, C comprehensum Quadratum mediæ B.

THEOREMA II.

Similia triangula sunt in duplicata ratione laterum proportionalium.

Propositio. Similia triangula ABC,

DEF sunt in duplicata ratione laterum proportionalium BC, EF.

hoc est, si latera sumantur proportionalia BC, EF,

& quæratur tertia aliqua proportionalis, adeo ut sit sicut BC ad EF,

tia EF ad tertiam HI, triangulum

I. iij



126 *Geometriae speculatiuae*

ABC factum supra primam BC erit ad triangulum DEF factum similiter supra secundam EF, sicut se habet prima BC ad tertiam HI.

Preparatio. Si latus BC est maius EF rescindatur ex eo recta BG æqualis tertiæ HI, ducaturque AG, adeo ut duo fiant triangula ABG, AGC eiusdem altitudinis.

Demonstratio. Quia ponuntur similia triangula, erit ut AB ad BC, ita DE ad EF. ^a ergo permutando ut AB ad DE, ita BC ad EF. Ut autem BC ad EF, ita ponitur EF ad BG. ergo duo ABG, DEF reciproca habent latera AB ad DE, & EF ad BG, & æquales angulos in contentos ^b, E. ergo ^b sunt æqualia. Ergo ut ABC ad DEF, ita idem ABC ad ABG æquale ipsi DEF. Ut autem ABC ad ABG, ita BC ad BG. ^c ergo ut ABC ad DEF, ita BC ad BH, siue ad illi æqualem HI, quæ tertia est proportionalis.


Quod si BC, & EF ponantur æqualia, æqualia quoque erunt

Triangula, adeoque in ratione postulata.


THEOREMA 12.

Similia polygona in similia triangula diuiduntur & numero equalia, & homologa totis; Et polygona habent inter se duplicatam rationem eius, quam habet latus homologum ad homologum.

Propositio. Sint polygona similia



ABCDE, & GHI-
LM. hoc est ha-
beant equales an-
gulos, & circa il-
los proportiona-
lia latera, i. diui-
dentur in triangu-
la similia, vt ABC
sit simile GHI
&c, eruntque tot
in vno, quot in
alio. 2. Triangula
illa erunt homo;



12.8 Geometriae speculatiuae

loga sine proportionalia totis polygonis; Vt triangulum ABC ad GHI, ita polygonum ABCDE ad GHILM. 3. Polygona inter se habebunt duplicatam rationem laterum proportionalium, hoc est si sit vt CD ad IL, ita IL ad tertium propottionale NO, erit vt CD ad NO, ita ABCDE ad GHILM, quæ est duplicata ratio.

Preparatio. ducantur ab vno angulo rectæ AC, AD, & GI, GL.

Demonstratio primæ partis. Quia tot sunt anguli in vno, quot in alio, tot erunt triangula in vno, quot in alio. Quia vero in triangulis ABC, GHI angulus B est æqualis H, & latera BA, BC proportionalia ipsis GH, HI, triangula erunt similia. a Idem vero ostendetur de triangulis AED, GML. Rursum vt AC ad CB, ita GI ad IH ob similia triangula, & vt BC ad CD, ita ob similia polygona HI ad IL. ergo æquando vt AC ad CD, ita GI ad IL. Est vero angulus BCD æqualis HIL. ergo ablato

æquali hinc ACB, inde G¹H resta-
bunt æquales duo ACD, GIL, adeo-
que triangula duo ACD, GIL ha-
bent angulum æqualem, & latera
circa illum proportionalia. ergo^b b 5. T. 4.
& sunt similia.

Demonstratio secunda partis. Quia
similia sunt triangula ABC, GHI
habebunt c duplicatam rationem c 11. T. 4.
laterum AC, GI. Sunt autem & si-
milia ACD, GIL. ergo & habebunt
duplicatam rationem eorundem la-
terum AC, GI. ergo erit vt ABC ad
GHI, ita ACD ad GIL. Rursum
vero AED, GML sunt similia. ergo
habent, duplicatam rationem late-
rum homologorum AD, GL. Ha-
bent autem ACD, GIL duplicatam
quoque rationem laterum eorun-
dem AD, GL. Ergo vt AED ad
GML, ita ACD ad GIL, & vt ACD
ad GIL, ita ABC ad GHI. ergo^d vt d 3. T. 3.
vnum antecedentium AED, ad
vnum consequentium GML, ita
omnia antecedentia hoc est poly-
gonum ABCDE, ad omnia conse-


130 *Geometriae speculatiuae*
quentia, sine polygonum GHILM.

Demonstratio tertiae partis. Ut triangulū vnum quoduis ACD ad aliud proportionatum GIL, ita polygonum totum ad totum. Est autem triangulum ACD ad GIL in duplicata ratione lateris CD ad IL. ergo & totum polygonum ABCDE erit ad GHILM in duplicata ratione laterum CD, IL.

THEOREMA 13.

Eidem rectilineo similia sunt
inter se similia.

[*Propositio.* Si ABC est simile G, & eidem G est simile DEF, est quoque ABC simile DEF.




Demonstratio. Anguli polygoni ABC sunt æquales

angulis polygoni G, sunt & æquales anguli polygoni DEF angulis eiusdem G, ergo & inter se æquales. Rursum latera angulorum polygoni ABC, & DEF sunt proportionalia lateribus angulorum polygoni G. ergo & inter se proportionalia. ergo & polygona similia.

THEOREMA 14.

EX quatuor proportionalibus facta similia polygona sunt quoque proportionalia.

Propositio. Si quatuor-lineæ BC, EF, HI, MN sint proportionales ut BC ad EF, ita HI ad MN, & ab iis recti-linea similia, similiterque posita describantur ABC, DEF, & HL, MO quævis



dum similia, illa proportionalia erunt ut ABC ad DEF, ita HL ad MO.


Præparatio. Reperiatur tertia proportionalis G ut sit sicut BC ad EF ita EF ad G, sitque adeo BC ad G duplicata eius quæ est BC ad EF. Reperiatur similiter tertia P.

Demonstratio. Ut BC ad EF, ita HI ad MN, & ut EF ad G, ita MN ad P. ergo æquando ut BC ad G, ita HI ad P. Ut autem BC ad G, ita ABC ad DEF. ^{a 11. T. 4.} ergo ut ABC ad DEF ita HI ad P. Ut autem HI ad P, ita AL ad MO. ergo ut ABC ad DEF, ita HL ad MO.


THEOREMA 15.

IN circulis æqualibus anguli sunt proportionales circumferentiis.

Propositio. In circulis æqualibus
ex



ex centio A, & G anguli BAC, HGI eandem habent rationem cū peripheriis, quibus insistent BC, HI, vt sit sicut BAC ad HGI, ita BC ad HI.



Preparatio. Sumantur circumferentiæ CD, DE, æquales ipsi BC, similiterque IL, LM æquales ipsi HI, ducanturque radij AD, AE, AF, & GL, GM, ad eò vt anguli CAD, DAE, EAF sint æquales inter se, sicut & IGL, LGM inter se. Quo pacto vt circumferentia CF erit multiplex ipsius BC, ita angulus CAF erit æquemultiplex anguli BAC, hoc est primæ, & tertix magnitudinis: similiterque IM erit multiplex ipsius HI, & angulus IGM æquemultiplex anguli HGI, hoc est secundæ, & quartæ magnitudinis.

similiterque IL, LM æquales ipsi HI, ducanturque radij AD, AE, AF, & GL, GM, ad eò vt anguli CAD, DAE, EAF sint æquales inter se, sicut & IGL, LGM inter se. Quo pacto vt circumferentia CF erit multiplex ipsius BC, ita angulus CAF erit æquemultiplex anguli BAC, hoc est primæ, & tertix magnitudinis: similiterque IM erit multiplex ipsius HI, & angulus IGM æquemultiplex anguli HGI, hoc est secundæ, & quartæ magnitudinis.

M

134 *Geometria specularina*


Demonstratio. Si peripheria CF æqualis est peripheriæ IM; etiam angulus CAF æqualis est angulo IGM: ac si CF maior est quam IM, maior quoque est CAF ipso IGM: si denique CF minor est quam IM, minor quoque est CAF ipso IGM, ergo duæ circumferentiæ CF, IM concordant cum angulo CAF, IGM, ergo simplices illarum sunt proportionales, & vt BC ad HI, ita BAC ad HGI.





E L E M E N T A
 G E O M E T R I Æ
 P R A C T I C Æ.

P O S T V L A T A.


1.  Quouis puncto ad quoduis punctum liceat lineam rectam ducere.
2. Lineam rectam terminatam liceat in continuum rectam producere.
3. Quouis centro, & quouis intervallo liceat circulum describere.
4. Cuius datæ lineæ rectæ liceat aliam rectam æqualem sumere.

PROPOSITIONES.

PROBLEMA PRIMVM.

Triangulum æquilaterum super data recta describere.

Datur AB recta.



Postulatur triangulum æquilaterum ABC.


Praxis. Aperto circino interuallo AB ex A, & B arcus describo, & ex eorum communi sectione C ducor rectas CA, CB.

Demonstratio. Ex natura circuli, cuius radij æquales, & ex 1. Ax. 1. AC æqualis AB. BC æqualis eidem AB. ergo AC æqualis BC.

PROBLEMA 2.

EX datis duabus lineis aptis
 triangulum Isosceles consti-
 tuere.

Datur AB, CD. Post. Isosceles
 AEB.




Praxis. Aperto
 circino interuallo
 CD ex A & B ar-
 cus describo, & ex
 sectione E duco
 rectas EA, EB.

Demonstratio. Ex circulo. AB sibi
 æqualis; EA, EB ipsi CB.

PROBLEMA 3.

EX tribus datis lineis aptis
 triangulum Scalenum descri-
 bere.

Datur AB, D, E rectæ. Post. Isos-
 M iij



celes ABC.

Praxis. Ex A interuallo rectæ D arcum describo versus C, itemque ex B interuallo rectæ E atque ex se-

ctione C rectas duco CA, CB.


Demonstratio. Ex circulo. AB sibi æqualis: AC ipsi D: BC ipsi E. Aptæ vero sunt lineæ cum duæ sunt maiores tertia.

PROBLEMA 4.

A Dato in linea puncto perpendicularem educere.

Datur. Punctum A in recta BC.

Postulatur AD perpendicularis.



Praxis. Ex A quouis interuallo describo arcus B, C: tū ex B & C quo-


uis interuallo maiori, & commodo
arcus describo, & ex illorum sectio-
ne D rectam duco DA.

Demonstratio. Ductis occultis DB,
DC, AB, BD æqualia ipsis AC, CD:
AD commune. ergo a anguli DAB, ^{a II. T. I.}
DAC æquales.

PROBLEMA 5.

Rectam finitam secare bif-
ariam.

Datur. AB. *Post.* æquales EA, EB.



Praxis. Ex A, &
& B arcus descri-
bo ad libitum su-
pra & infra, & per
eorum sectiones
D, C duco occul-
tam DC, quæ AB

secat in E.


Demonstratio. AC, AD æqualia
BC, BD: commune CD. ergo a an- ^{a II. T. I.}

gulus ACE æqualis BCE, & AC, CE.
 b r. T. I. æq. BC, CE. ergo^b & AE ipsi EB.

PROBLEMA 6.

EX dato extra-lineam puncti
 perpendiculararem adducere.

Datur. Punctum A, recta BC.



Postulatur. Perpendicularis AE.

Praxis. Ex A intervallo commo-
 do arcus describo
 B, C, atque ex B,
 & C alios arcus

infra quovis spatio, & ex sectione
 D ad A rectam duco AD, in qua est
 AE.


Demonstratio. AB, BD æq. AC, CD.
 a n. T. I. commune AD. ergo^a ang. BAE
 æqu. CAE, & BA, AE æqu. CA, AE.
 b r. T. I. ergo^b ang. AEB æqu. AEC.

PROBLEMA 7.

Educere perpendicularem ex
dato puncto extrema in linea.

Datur. punct. A in AB.

Postulatur. Per-
pend. AD.



(Praxis. Aperto
ad libitum circi-
no pedem fige in
A, & alterum ad
libitum in C, ex

quo describo circulum DAB, & vel
diametrum BCA designo, ducoque
DA, vel ex B ter decurro circino su-
pra circulum vsque in D, ducoque
DA.


Demonstratio. DAB semicirculus
est, ergo in eo rectus angulus DAB.

PROBLEMA 8.

Perpendicularem demittere ex dato extra lineam extremam puncto.

Datur. Punctum A, recta ED.

Postulatur. Perpend. AE.



Praxis. Sumo ad libitum punctum B ex quo intervallo BA describo arcum in-

fra. Item sumo aliud D ex quo intervallo DA arcum infra designo atque ex sectione C ad A ducor rectam AC, in qua est AE.

Demonstratio. AB, AD æqu. CB, CD. commune BD. ergo^a angulus BDA æq. BDC. Item AD, DE æqu. CD, DE. & ang. ADE æq. CDE. ergo^b ang. DEA æq. DEC.


^a II. T. 1.

^b II. T. 7.

PROBLEMA 9.

Datum angulum retilineum
secare bifariam.

Datur. Angulus BAD.



Postulatur. \hat{A} -
quales B A C,
DAC.


Praxis. Ex A quo-
uis interuallo ar-
cus describo B, D.
tum ex B, D quouis spatio arcus des-
cribo, ducoque ex sectione C re-
ctam AC, quæ facit CAB, CAD.

Dtmoustratio. BA, BC æqu. DA,
DC, commune AC. ergo a æquales a II. T. I.
BAC, DAC.

PROBLEMA 10.

Dato angulo æqualem alium
ad datum lineæ punctum
describere.

Datur. Angulus BAC. punctum
D in recta DE.



Postulatur. Ang.
EDF æqualis
BAC.

Praxis. Ex A
quouis interuallo
arcû describo BC,
eodemque spatio ex D arcum EF.
tum ex E interuallo BC arcum de-
signo in F, perque F duco rectam
DF, quæ facit ang. EDF.


Demonstratio. AB, AC æqu. DE,
a 11. T. 1. DF, & BC æq. EF. ergo a angulus
BAC æq. EDF.

PRO.

PROBLEMA II.

Super data recta quadratum describere.

Datur. AB. Post. quadratum AD.



Praxis. Ex A
eleuo perpendiculararem AC. tum
ex eodem A in-
teruallo AB ar-
cum describo C,
& ex C arcum D,

& ex B arcum D. ducoque rectas
CD, BD.

Demonstratio. AC, AB æqu. DC,
DB. Commune BC. ergo ^a angulus ^a II. T. I.
A æq. D, & alij aliis, eique semi re-
cti ob æqualia latera. ^b ergo & C, & ^b 3. T. I.
B recti. tandem A & B recti ergo ^c c 15. T. I.
AC, BD parall. vti AB, CD.

PR O B L E M A 12.

Ducere parallelam datæ lineæ
ex dato puncto.

Datur. Recta AB. punctum C.

Postulatur. CD

parallela ipsi AB.

Praxis. Ex puncto C duco occultam quamvis CB:

tum ex B intervallo BC arcum

describo CA, itemque ex C eodem spatio arcum BD, atque ex B intervallo AC arcum designo D, ducoque à sectione D ad C rectam CD.

Demonstratio. AB, AC æq. DC

a 11. T. I. DB, comm. BC. ergo ^a angulus


b 12. T. I. ABC æqualis alterno DCB. ergo b

AB, CD parallelæ.

PROBLEMA 13.

Datum arcum secare bifariam.

Datum. arcus AEB. Post. æquales AE, EB.




Praxis. Intellego occultam AB, eamquediuido a bifariam occultam FG, datque sectio E arcus AE, EB.

Demonstratio. FG secat AB bifariam, & perpendiculariter ergo^b b 2. T. 2. FG transit per centrum occulti circuli C, ex quo occultæ CA, CB. Hinc CA, AD æq. CB, BD, commune CD ergo ang. ACD æqu. BCD ad centrum ergo^c æquales arcus^d d 10. T. 2. AE. EB.

PROBLEMA 14.

Dati arcus centrum reperire,
& circulum absolvere.

Datur. Arcus ABC. Post. cen-
trum D.



Praxis. Sumo in
arcu ad libitum
tria puncta A, B,
C. tum diuido bi-
sariam arcum AB
occulta GH, i-

a 13. P.

temque arcum BC occulta FE, est-
que sectio D centrum, ex quo cir-
culus absoluitur.

Demonstratio. GH, FE transeunt
percentium. b ergo in illis est cen-
trum. ergo in sectione D.

b 2. T. 2.

PROBLEMA 15.

Dati circuli centrum reperire.

Datur. Circulus ABC. *Post.* centrum D. Figura
Proble.
præced.

Praxis. Sumo in circumferentia tria quavis puncta A, B, C & ut supra reperio D.

Demonstratio. Eadem, quæ supra.


Hinc datis tribus punctis non in directum positis per ea Circulus describetur.

PROBLEMA 16.

Adato puncto rectam ducere, quæ tangat circulum.

Datur. Circulus DCE, punctum A.

N iij



Postulatur. A D,
vel A E tangens
circulum in D, vel
E.

Praxis. A pun-
cto dato A ad cen-
trum B rectã duco

AB, eamque bifariam diuido, in C,
& ex C interuallo CB occultum
circulum describo ADBE, ducõque
à sectionibus D, E rectas AD, AE.

Demonstratio. Angulus ADB est in
a 14. T. 2. semicirculo. ergo a rectus. ergo b
b 15. T. 2. AD tangit circulum.


PROBLEMA 17.

Datis duabus lineis tertiam
proportionalem reperire.

Datur. AB, BC.

Postulatur. Tertia DE, vt sit sicut

Geometria practica. 151



AB ad BC, ita BC ad DE.

Praxis. Super obliqua recta AC sumo AB, BC æquales datis AB. BC. tum ducta ad libi-


tum AE sumo in ea AD æqualem secundæ BC, ducoque rectam BD, & per C rectam CE parallelam ipsi BD.

Demonstratio. BD parall. lateri CE. ergo a vt AB ad BC, ita AD, hoc est ^{a 1. T. 4.} BC ad DE.

PROBLEMA 18.

Datis tribus lineis quartam proportionalem reperire.

Dantur. Rectæ AB, BC, AD.



Post. Quarta DE.
vt sit sicut AB ad
BC, ita AD ad DE.


Praxis. Super ob-
uia AC sumo AB,
BC æquales pri-
mæ, & secūdæ AB,
BC. tum ducta ad libitum AE sumo
in ea AD æqualem tertiæ AD, duco-
que BD, & ex C rectam CE paralle-
lam ipsi BD.

Demonst. DB est parall. lateri EC.
ergo vt AB ad BC, ita AD ad DE.

PROBLEMA 19.

Datis duabus lineis mediam
proportionalem reperire.

Datur. AB, & BC. *Postulatur.* Media



BD vt sit sicut AB
ad BD, ita BD ad
BC.

Praxis. Super
obuia AC sumo
AB, BC æquales


datis AB, BC, atque ex illarum dimidio E describo semi-circulum ADC, & erigo ex B perpendicularem BD.

Demonstratio Angulus ADC in semi-circulo rectus est, ^a & ab apice ^a 14. T. 2. D perpendicularis DB. ergo ^b ABD, ^b 6. T. 4. DBC similia. ergo ^c ut AB ad BD, ita ^c 1. D. 4. BD, ad BC.

PROBLEMA 20.

A Data linea imperatas partes auferre.

Datur. Recta AB. *Postulantur* tres quintæ FG.



Praxis. Sumo ad libitum rectam CD, & in ea quavis partes æquales quinque tum ex C interuallo vltimæ D arcum describo DE, atque ex

Di interuallo trium partium (quia tres quintæ postulantur) duco arcum circa E atque à sectione E ad C duco rectam CE, tandemque ex C interuallo AB arcum describo FG, ducoque rectam FG.

Demonstratio. *Æqui-angula sunt* CFG, CDE. ^a ergo ^b vt CD ad DE, ita CF, siue AB ad FG. CD habet 5, & DE 3. ergo AB 5. GF 3.

PROBLEMA 21.

D *Atam lineam similiter secare, vt alia secta fuerit.*

Datur. AC diuisa. AB diuidenda.



Post. AB diuisa in G, H, B, vt AC in E, F.

Praxis. Iungo duas AB, AC vt faciant quemuis angulum BAC. tū duco rectam BC, & per puncta E, F


rectas EG, FH parallelas lateri BC.

Demonstratio. Vt AE ad EF, ita AG ad GH, & ac ducta GL parallela lateri AC, vt GI ad IL, ita GH ad HB, est vero EF \propto q. GI, & FC, IL. ergo vt EF ad FC, ita GH ad HB.

PROBLEMA 22.

Datam lineam dividere in quotlibet partes aequales.

Datur. AB. *Post.* quinque partes \propto quales in O, V, T, X, B.




Praxis. Ex A duco ad libitum AC, & ex B rectam BD parallelam ipsi AC. tum

ad libitum sumo partes \propto quales quinque in rectis AC, BD, ac per opposita puncta duco rectas occultas AD, EI, EL, &c. quæ dant O, V, T, X.

Demonst. AE, DI æquales, & parall.
 a 10. T. 1. ergo^a AD, EI æqu. & parall. vti &
 cæteræ FE, GM &c. Hinc vt AE ad
 EF, ita AO ad OV. AE æq. EF. ergo
 AO æq. OV. ita cæteræ vt supra.

Aliter. duco rectam DE, & in ea
 sumo ad libitum quinque partes



æquales F, G, H,
 L, E, tum super
 recta DE facio
 triangulum Isof-
 celes CDE, duco-
 que rectas CF,
 CG, CH, CL. tan-

dem ex C sumo CA, CB æquales
 datæ AB, ducoque rectam AB diui-
 sam in I, O, V, T. æqualiter.

Demonstratio. CAB, CDE æqui. an-
 gula. a ergo b AB parallela DE. ergo
 a 16. T. 2. vt FD ad DC, ita IA ad AC, siue AB.
 b 13. T. 1. DF est vna quinta DC ergo AI
 quinta AC. Item vt GD ad DC ita
 OA ad AC, GD duas habet quintas
 ipsius DC. ergo & OA ipsius AC.
 AO duas habet quintas, AI vna est.
 ergo IO altera, & ita de reliquis.

NOTÆ



NOTÆ

GEOMETRICÆ.




AD Introduct. numerum 9. Nonnulla supponit Euclides, de quibus construendis, habendisque nihil præscripsit, dum iis utitur cum hypothesi. Ita lib. 1. prop. 4. loquitur de quibuscunque triangulis, ac supponit æquales angulos: Et prop. 14. angulos etiam supponit, qui fiunt deinceps æquales duobus rectis: Et prop. 18. angulos duos internos æquales duobus rectis. Ita lib. 3. prop. 24. supponit similia segmenta super eadem recta, & alibi alia.

Ad numerum 10. Geometria Speculatiua, & Mixta præparationem adornant peculiari sibi modo, ut videre est exempli gratia circa propositionem, quæ est 13. lib. 1. apud Eu-

○

clidem, hic 2. lib. 1. Talis vero est. Cum recta linea super rectam consistens angulos fecerit, aut duos rectos, aut duobus rectis æquales facit. Illa ubi proposita est de more, ad præparationem itur, ac Geometria quidem utraque ante hanc supponit generalem ratiocinationem, applicatam tamen peculiari proposito ut est opus. Tanti sunt duo anguli EDB , EDC , quanti depre-



duntur, & demonstrantur, si educatur ex puncto D perpendicularis possibilis DA . Sed si educatur ex D perpen-

dicularis possibilis DA , deprehenduntur, ac demonstrantur æquales duobus rectis. Ergo sunt æquales duobus rectis. Certa vero est ratiocinatio illa, ac propositio illius maior negari non potest, quin conuclatur Euclidis propositum, ac probando Theoremati aditus omnis

Nota Geometriae. 159

præcludatur. Porro hac sub intellectu ratiocinatione, quæ, quia generalis est, & perpetua, ac perse clara, omittitur, ad tacitam illius minorem ut accedant eamque probent, Speculatiua contenta est sola hypothesi possibili: Mixta vero, quia ad manum habet Practicam, rem de facto exequitur, & iuxta leges à Practica traditas reapse perpendiculararem excitat, adeo ut præparatio in vtraque sit diuersa, licet idem sit exitus. Sic igitur Speculatiua præparat, & demonstrat, ubi proposuit. Si à puncto D educatur perpendicularis possibilis DA, vel cum ea conueniet recta DE, vel non. Si conueniat, facit vtrimque æquales angulos, adeoque rectos. Si non conueniat, sed ad latus declinet, ut fiant tres anguli BDE, EDA, ADC, duo anguli EDB, EDC sunt æquales tribus illis angulis; atque iisdem tribus sunt æquales duo recti ADB, ADC. ergo duo EDB, EDC sunt æquales duobus rectis

ADB, ADC. At vero Mixta sic præparat absolutè. Educatur ex puncto D perpendicularis DA; atque hoc posito, sic demonstrat. Vel recta ED consentit cum perpendiculari AD, vel non. si consentit, &c. ut ante dictum in speculatiua. Idem possemus ostendere circa propositiones alias, quarum in demonstratione vsi sumus hypothefi, etsi non expressa, ut ne discederemus à vulgari præparandi modo, rati esse satis, si moneremus præparationem illam, quam adhibemus verbis in speciem absolutis intelligendam esse hypotheticè, adeo ut, cum dicimus Excitetur perpendicularis possibilis, idem sit, ac si dicamus, si excitetur perpendicularis possibilis, vel excitetur hypothetice. De cætero vsi sumus noua illa præparandi ratione, quod & commoda, & facilis, & compendiosa sit visa.

Ad Axioma 8. Quod à nobis subii-
citur Euclidei loco, magis videtur
in vsu, & sensu communi positum,

vt facile quiuis intelliget, si vtrumque velit committere.

Ad lib. 2. Prop. 8. & 9. Quia à segmentis æqualibus ad circumferentias illarum æquales non videtur necessaria, & immediata consecutio, ad solitas demonstrationes non nihil est appositum, vt sua sit consequentibus Theorematis certitudo.

Ad Definitiones Rationis, & Proportionis lib. 3. Nouæ aliquot Definitiones sunt additæ, quæ necessaria videntur, vt ea, quæ de Proportionibus. & Magnitudinibus proportionalibus demonstrantur passim, vsui esse possint. Id qui volet experiri, videat an hærendo in Euclideis aliquid possit concludere ex propositione prima libri sexti, quæ hic prima est libri tertij, hac in hypothesis, eodemque in schemate, vt de cæteris faciat coniecturam.

162 *Nota Geometrica.*

Sit basis BC duorum pedum: sit



EF unius. sit
trianguli ABC

area unius
pedis qua-

drati: quan-
ta erit area
trianguli DEF?

si sic ratiocineris, vt se habet BC ad EF, ita ABC ad DEF. Sed BC est duplum ipsius EF. ergo ABC est duplum ipsius DEF, sic ego respondebo. Vt se habet BC ad EF, ita ABC ad DEF. explico maiorem propositionem, id est acceptis æquemultiplicibus primi BC, & tertij ABC, itemque æquemultiplicibus secundi EF, & quarti DEF, multiples primi BC. & secundi EF concordant cum multiplicibus tertij ABC, & quarti DEF. Definitio enim, & definitum ita conuertuntur, vt alterum alterius loco poni possit, idemque præstet. Sed BC est duplum ipsius EF. Esto. Ergo & ABC duplum ipsius DEF. Vnde consequentia? Qui

Nota Geometrica. 163

illi concordia multiplicium cum duplo? Quod si ita interpretere. Ut se habet BC ad EF, ita ABC ad DEF, id est, Quantum BC continet, EF, tantum ABC continet DEF. Belle quidem succedet negotium: at unde tibi illa expositio, aliam nisi accersas definitionem ad Euclidea? At Euclidea generalis est, & Rationales, æque ac Irrationales magnitudines complectitur, quod vix alia præstiterit. Quidni? Ut ne rogem vicissim ab Euclide unde illa proportionalium generalis proprietas, quæ definitionem generalem constituit. Sed hic satis.



A D I T V S
IN ARITHMETICAM.

PErstringet ille duntaxat.
Numerationem, & ex
vulgaribus regulis eas,
quæ res Mathematicas
attingenti sunt planè necessariæ,
quoad fuisse tota de Arithmetica, &
numerorum natura differatur.

N U M E R A T I O.

Absoluitur illa decem characteribus, qui numeros omnes representant, & Digni vocantur: ecce tibi.

1. 2. 3. 4. 5. 6. 7. 8. 9. 10.

Duo in Numeratione spectanda.
Ordo, & Gradus, atque vterque pe-
tendus à dextera scribentis ad sini-

stram, adeo vt crescant dignitate,
& valore dum sinistram versus pro-
mouentur.

Ordines illi sunt Vnitates, sine res
numeratae, Milleni, Millionses, Bil-
liones, Trillionses, Quadrillionses,
Quinillionses, Senillionses, Septil-
liones, Octillionses, Nonillionses,
Denillionses, Vndenillionses, &c.

Gradus, qui in singulis ordinibus
seruantur sunt tres dumtaxat, Ordo
ipse, vel illius nomen, Denarij &
Centenarij.

Porro nullus vnquam aut Ordo,
aut Gradus vacuus relinquitur, sed,
si nullum habet characterem ex iis,
qui valent. assumitur zero, qui lo-
cum impleat. en exemplum, ex quo
de caeteris conicias.

3 4 2 5 6 3 2 0 4 0 0 5 3 2 6 7 4 3 2 5 6

5 4 3 2 1 3

Apices, & minuti numeri, qui infra
ponuntur ordiendo à puncto. Or-
dines indicant. sic vero percense in-
cohando à sinistra, vt moris est le-
gentium.

Tercentum quadraginta duo quilliones: quingenti sexaginta tres quadrilliones: ducenti quatuor trilliones: quinque billiones: trecenti viginti sex milliones: septingenta quadraginta tria millia: ducenti quinquaginta sex Nummi.

Porro crescunt, gradus in portione decupla, adeo vt secundus sit decuplus primi, & tertius secundi: vnde fit, vt Ordines crescant in portione millecupla, & Millio millies contineat mille, sicut Billio millies millionem, adeoque bis millies mille, sic vt retinere possis veterem, numerandi formam per vocem illam millies, iuxta quam ita censebis superiorem summam. Trecenta quadraginta duo millia quinquies millies: quingenta sexaginta tria millia quater millies: ducenta quatuor millia ter millies: quinque millia bis millies: trecenta viginti sex millia millies: septingenta quadraginta tria millia; ducenti quinquaginta sex Nummi.

A D D I T I O .

Numerorum est in unam summam collectio.

Summas addendas subscribe alias aliis, itavt unitates sint sub unitatibus, sub decadibus, decades, &c. tum ducta linea ordine à dextris. adde singillatim gradus singulos inter se, & summam ex iis collectam scribe sub linea hac lege ut in singulis collectionibus unum ponas characterem, eumque, qui unitates representat, alium serues, & numeres cum iis, qui spectant ad gradum superiorem. En exempla.

64	243	543
183	532	762
247	775	1305

Adde 64, & 183, collocabis ut vides, ac dices 4 & 3 faciunt 7, pones-

que infra lineam eodemque in gradu 7. tum ad alium gradum, & dices 6, & 8 dant 14, ponetque 4 ac retinebis vnum quem referes ad superiorem gradum, & dices 1 & 1 dant 2, ponetque duo.

SUBTRACTIO.

Summa est à summa subductio.

Subtrahendum numerum scribe infra illum a quo est subducendus ea lege, quæ ante est posita, tum ducta linea incipe à dextra, & singillatim figuras inferiores subtrahe à superioribus, & quod reliquum est, scribe eodem in gradu infra lineam.

68	768	479
33	532	258
<hr style="width: 100%;"/>	<hr style="width: 100%;"/>	<hr style="width: 100%;"/>
35	236	221

A 68 subtrahæ 33. Scribe vt vides,
& dic

& dic à 8 subtrahe 3, restant 5. pone 5 infra lineam, & perge ad gradum alium, & dic à 6 subtrahe 3, restant 3. pone 3, habesque residuum 36.

Quod si character superior sit minoris valoris. quam inferior, inferiorem subtrahes à numero Decem, ac residuum addes superiori, summamque illorum scribes sub linea, & addes vnitatem figuræ, vel gradui præcedenti in summa subducenda.

74	20	300
36	7	244
38	13	56

Subtrahe 36 à 74. Scribe vt vides, & quia 4 minus valent quam sex sic dices à 10 subtrahe 6 restant 4. 4 & 4 faciunt 8, ac scribes 8, & perges ad alium gradum addita prius vnitare, vt loco 3 sint 4, ac dices à 7 subtrahe 4, restant 3, & scribes 3 vt sit residuum 38. iterum à 20 tolle 7 scribe 7 sub 20 & quia zero nihil valet

P

dices à 10 subtrahe 7 restant 3. 3 & 0 dant 3, scribes 3 & præcedenti gradui in quo nihil est addes vnitatem, ac dices à 2 subtrahe 1 restat 1. & scribes 1, vt sit residuum 13.

Examen additionis, & subtractionis.

Altera per alteram examinatur. Addidisti 24 & 47, atque habes 73: vt examines subtrahe alterutram

26	73	ex summis partialibus à summa totali, & si in residuo est altera, probè fecisti. tolle 47 à 73; restabunt 26. Idem facies in subtractione. Subduxisti 47 à 73, & restant 26. examina; iunge residuum, & summam subductam, 26, & 47, ac si ambæ dant summam totalem 73, bene est.
47	47	
73	26	

bunt 26. Idem facies in subtractione. Subduxisti 47 à 73, & restant 26. examina; iunge residuum, & summam subductam, 26, & 47, ac si ambæ dant summam totalem 73, bene est.

Vtraque etiam examinatur per subtractionem nouenarij. Is tollitur quoad potest à summis adden-

dis, & notatur residuum, siue ut
vocant Examen. Item tollitur à
summa totali, & examen notatur.
Si consentiunt examina, probefa-
ctum. Examen 26, & 47 est 1. Exa-

26	1	73	I men 73. I. Idem in subtractio- ne: Examen 73 est 1. Exam. 47, & 26 est 1. belle.
47		47	
73		26	

MULTIPLICATIO.

Dictus est numeri in nume-
rum, siue sumptio numeri
alicuius toties, quoties ab alio si-
gnificatur.

Scribe multiplicatorem sub mul-
tiplicando iuxta legem antea la-
tam: tum singulos singillatim cha-
racteres superioris multiplica per
inferiorem, & summam scribe infra
lineam seruato semper decadum.

charactere, eum vt adicias sequenti multiplicationi. Duc 43 in 6. scri-

$$\begin{array}{r} 43 \\ \hline 6 \\ \hline 258 \end{array}$$

be 6 sub 43 infra 3. tum ducta linea dic sexies tria dant 18. pone 8, & serua 1 sine vnam deca-

dem. deinde dic sexies quatuor dant 24. 24, & 1 seruatum dant 25 pone 5, & serua 2, quæ tandem ponis, cum nihil super sit, vt habeas 258.

Quod si in Multiplicante sint plures characteres, singulos singulatim duces in singulos characteres Multiplicandi, & summas vt ante scribes ab eo gradu in quo est character multiplicans, tandemque summas omnes colliges. Duc 37 in

$$\begin{array}{r} 37 \\ 25 \\ \hline 185 \\ 74 \\ \hline 925 \end{array}$$

25. scribe 37, & infra 25 vt ante est præscriptum; tum ducta linea dic quinquies 7 dant 35. pone 5, & serua 3. iterum quinquies 3 dant 15. 15 & 3 seruata dant 18 pone 8, & quia nihil agendum superest isto in caractere, ap-

pone 1, vt summa multiplicatoris 5

fit 185. Mox ad alium characterem 2, & dic bis 7 dant 14. pone 4, sub 2 multiplicante serua 1. iterum bis 3 dant 6.6, & 1 seruatum dant 7. pone 7, vt summa multiplicantis 2 fit 74. Tandem summas ita dispositas collige per additionem, & habebis 925.

Porro proderit ad facilem operationis praxim habere tabulam Pythagoricam ex qua facile colligitur multiplicatio digitorum. ecce tibi

1	2	3	4	5	6	7	8	9	10
2	4	6	8	10	12	14	16	18	20
3	6	9	12	15	18	21	24	27	30
4	8	12	16	20	24	28	32	36	40
5	10	15	20	25	30	35	40	45	50
6	12	18	24	30	36	42	48	54	60
7	14	21	28	35	42	49	56	63	70
8	16	24	32	40	48	56	64	72	80
9	18	27	36	45	54	63	72	81	90
10	20	30	40	50	60	70	80	90	100

Quæris quid faciant 5 in 6 sine
 quinquies 6. sume in limbo supe-
 riori 5. & in laterali 6, habebisque
 in concursu 30. ita cæteris.

DIVISIO.

Reductus est numeri à numero,
 siue inuentio numeri, qui significet
 quoties vnus sit in alio. Tres sunt in
 diuisione numeri. Vnus appellatur
 Diuidendus, alter Diuisor, tertius
 Quotiens. vis diuidere 47 nummos
 duobus militibus, & quæris quot
 quisque accipiat, siue quoties duo
 reperiantur in 47. Diuidendus est
 47. Diuisor 2. Quotiensis qui quæ-
 ritur numerus. Scribe igitur 47, &
 infra 7 non à dextris vt ante sed à si-
 nistris sub 4. tum solennem versu-
 culum exquere.

*Diuide, multiplica, subtrahere,
promoueas.*

47.	(2
2	
4	
<hr/>	
47	(23 $\frac{1}{2}$
2	
6	

Diuide, hoc est vide quoties inferior sit in superiori. 2 in 4, bis. pone ad latus, vbi Quotienti est locus, 2. tum Multiplica, siue duc characterem appositum.

Quotienti in totum Diuisorem, bis 2. dant 4. pone 4 infra Diuisorem, vel in mente retine, ac postea Subtrahere, hoc est inuentam eam summam aufer ab ea parte Diuidendi, quæ supra illam reperitur, 4 ex 4, nihil restat, adeoque Promoueas, hoc est vno gradu versus dexteram diuisorem totum pro moue, pone 2 sub 7, & iterum versiculum exequere. Diuide. 2. in 7. ter. pone 3 in Quotiente. Multiplica. ter duo dant 6. pone 6 infra diuisorem 2. Subtrahere. 6 ex 7, restat 1. pone supra

7, aut, quia nihil agendum restat, serua vt facias numerum fractum collocando residuum i post Quo-
 tientem, & ducendo lincolam, po-
 nendoque infra illam, Diuisorem,
 adeo vt singulis militibus sint num-
 mi $23 \frac{1}{2}$.

*Quod si alij occurrant casus solues
 illos ex sequentibus regulis.*

Prima. Quando Diuisor est maior numero supra illum posito (supra illum vero sunt omnes characteres versus sinistram) nihil opus diuisione, adeoque appone zero Quotienti (nisi forte esset operationis initium) & quasi esset expletus versiculus Diuisorem promoue.

Secunda. Si facta multiplicatione reperitur summa maior numero posito supra diuisorem, tolle de Quotiente vnitatem, & iterum multiplica, atque illud fac toties, quoad summa, quæ ex multiplica-

tione fit, fit vel minor, vel æqualis numero supra Diuisorem posito. Is vero casus tunc contingit, cum in Diuisore primi Characteres sunt minores posterioribus.

Tertia. Quando in Diuisore sunt multi characteres, satis est vt primus diuidat partem diuidendi supra se positam, ac postea Quotienti appositus character totum diuisorem multiplicet.

Quarta. Si primus character diuisoris sit plus quam nouies in supra posito numero, non apponitur Quotient nisi nouenarius.

Diuide 946 per 43. Scribe 4; sub

1	94	& versiculū exe-
946	(2)	quere. Diuide 4 in 9
43		bis. pone 2 in Quo-
		tiēte. Multiplica. bis

43, aut sane singillatim, & per partes, bis 4 dant 8. subtrahe 8 ex 9, restat 1 pone 1 supra 9, & absolue. bis 3 dant 6. subtrahe. 6 ex 14, restant 8 pone 8 supra 4, adeo vt restent in diuidendo 86. Promoueas. pone 4

$\begin{array}{r} \overline{) 86} \\ 43 \end{array}$	$(22$	sub 8, & 3 sub 6, atque iterum versum exequere ut antea. 4 in 8, bis. bis 4, 8. 8 ex 8, nihil. iterum bis tria 6, 6 ex 6 nihil. Quotiens 22.
--	-------	--

Diuide 134 per 2. Poneres 13 sub 13, sed quia superior numerus 13 minor est 23, promouebis posito zero in quotiente, nisi esset operationis initium. Scribe igitur 23 sub 34. & versum exequere. Diuide in 13 quoties 2. sexies. pone in Quotiente 6. Multiplica. sexies 2 dant 12. subtra-

$\begin{array}{r} \overline{) 134} \\ 23 \end{array}$	$(5$	he: 12 ex 13, restat 1. ponis 1 supra, & loco 3. Iterum Multiplica sexies 3 dant 18. subtra-
---	------	--

he. 18 ex 14. minor est superior, adeoque de quotiente 6 demenda vnitas, ac ponenda 5, & de nouo incohanda partialis operatio. Quinquies 2. dant 10. 10 ex 13, restant 3. &c.

EXAMEN

Multiplicationis, & Diuisionis.

ALtera per alteram probatur. Ducis 25 in 10 & habes 250. Vt probes diuide productum 250 vel per 25, & si quotiens est 10 bene est, vel per 10, & si quotiens est 25, factum bene.

Similiter. Diuidis 250 per 25 & habes quotientem 10. vt probes multiplica 10 per 25, & si productum est 250, bona est operatio.

Vtraque etiam probatur per examen numeri 9, & quidem Multiplicatio sic. Multiplicas 452 per 335, & habes productum 151420. sume examen primi 452 scilicet 2; item examen secundi scilicet 2; Duc vnũ in alterum & extabit verum examen multiplicantium scilicet 4. Item à producto 151420 remoue nouenarium ac si examen est 4, factum bene.

Diuisio vero sic. Diuidis 587 per 48 & exit quotiens $12\frac{11}{48}$. sume examen diuisoris scilicet 3, itemque examen quotientis scilicet 3 vnum multiplica per alterum & habis 9, hoc est zero quibus addes examen residui 11, si sit, scilicet 2, vt extremum examen sit 2. similiter ad diuisum numerum 587, & ab eo tolle nouenarium, ac si 2 supersunt, belle.

*Anrea regula Proportionis,
sive trium.*

AVrea appellatur ob insignes utilitates: Proportionis vero, quod fundata in Proportione, & proportionem præstans: denique Trium, quod in tribus sita terminis, quorum duo primi habent interferationem aliquam, ac quæritur quartus, qui eandem habeat cum tertio rationem, quam secundus

dus

us habet cum primo. Nempe 4 milites absument aureos 10, quæris quot absument, 6 milites? Primus terminus 4 Milites: secundus 10 aurei: tertius 6 Milites: quartus quæritur, hoc pacto posita quæstione, si 4 dant 10; 6 quid? sic vero soluitur hunc exequendo versiculum.

Duc tertium in medium, productum diuide primo.

Hoc est duc 6 in 10, & existent 60, atque hoc productum 60 diuide per primum, scilicet 4, & extabit quartus quæsitus 15, dicesque si 4 Milites absument 10 aureos fore, vt 6 absument 15.

Regulæ demonstratio petitur ex proprietate proportionalium quantitatum, quæ talis est, vt duæ mediæ multiplicatæ inuicem tantum producant, quantum duæ extremæ inuicem multiplicatæ.

*MINVTIÆ,
aut Numeri fracti.*

FRactiones intellige partes eas in quas totum aliquod in tegrum tribuitur. Ita si nummum diuidas quatuor in partes, appellabis eas Fractiones vnius nummi integri, easque à numero 4, secundum quem nummus est diuisus, Quartas denominabis, & eas appellares sextas, si nummus sex in partes esset distributus. Atque eo pacto in fractionibus duo sunt numeri lineola diuisi, alter inferior, qui partes eas, in quas totum est diuisum, denominat; vocaturque eam ob rem.

Denominator; alter superior, qui, quia partes denominatas numerat, vocatur Numerator, ostenditque quot ex denominatis partibus totius diuisi assumantur. Fractionem igitur istam $\frac{2}{3}$ appellabis

duas tertias, & istam $\frac{1}{4}$ vnam quartam, & istam $\frac{3}{6}$ tres sextas.

Cæteram vt operationes, quæ circa minutias fiunt, intelligantur facilius ad regulam istam generalem vertendi sunt oculi.

Quoties duo numeri multiplicantur, aut diuiduntur per aliquem numerum, toties Producta retinent eandem inter se proportionem, quam habebant numeri multiplicati, vel diuisi. Sint duo numeri 4, & 6, multiplicentur per tria, & extabunt 12, & 18, eademque erit proportio 12 ad 18 quæ erat 4 ad 6. Item duo sint numeri 12, & 18, diuidantur per 3, & extabunt Quotientes 4, & 6, eritque eadem proportio 4 ad 6, quæ erat 12 ad 18. Atque eam ob rem, cum in Minutijs spectetur proportio Numeratoris ad Denominatorem, Minutiæ, quæ eandem habebunt proportionem, eadem erunt, & idem valebunt, vt $\frac{1}{2}$ $\frac{2}{4}$ $\frac{4}{8}$.

Qij

idem valent, & quæ fient ex multiplicatione, vel diuisione eiusdem numeri, eadem erunt.

Operatio 1. Datas Minutias reuocare ad eandem Denominationem. Multiplica primam per denominatorem secundæ, & secundam per denominatorem primæ. Sunt $\frac{3}{4}$ $\frac{2}{3}$ dic 3 in 3 dant 9, & 3 in 4 dant 12. ecce primam $\frac{9}{12}$. Iterū bis 4 dant 8, & 4 in 3 dant 12. en secundam $\frac{8}{12}$, ac duæ istæ $\frac{9}{12}$ $\frac{8}{12}$ eadem sunt cum datis $\frac{3}{4}$ $\frac{2}{3}$ habentque eundem Denominatorem.

Operatio 2. Ex datis Minutiis cognoscere, quæ plus valeat. Reuoca eas ad eundem Denominatorem, & cuius maior erit Denominator, illa plus valebit. Dantur $\frac{3}{4}$ $\frac{2}{3}$ quæritur vtra plus valeat. Reuoca ad eundem Denominatorem $\frac{9}{12}$ $\frac{8}{12}$, & prima plus valebit.

Operatio 3. Ex dato numero integro Fractionem facere. Duc lineolam infra datum numerum, & sub lineola pone vnitatem. Dantur 8, & habebis $\frac{8}{1}$ octo primas, sine 8. Integra.

Operatio 4. Ex data Minutia, cui Denominator sit vnitatis, integrum facere. Tolle lineolam, & vnitatem. Dantur $\frac{8}{1}$ & habes 8 integra.

Operatio 5. Datum numerum integrum reuocare ad datum Denominatorem, siue ex eo facere Minutiam, quæ habeat datum Denominatorem. Duc Integrum datum in datum Denominatorem, & habebis Numeratorem dati Denominatoris. Dantur 8 Integra, & pro Denominatore 3 Dic 3 in 8 dant 24, & habes $\frac{24}{8}$. Vis rationem, vt inde cætera colligas? Ex 8 Integræ fac Minutiam, nempe $\frac{8}{1}$, tum multiplica per Denominatorem 3, tam Nu-

meratorem, quam Denominatorem, & habebis $\frac{24}{3}$ eadem in portione cum $\frac{8}{1}$.

Operatio 6. Ex data Minutia Integros educere, quando sunt, siue quando Numerator est maior Denominatore. Diuide Numeratorem per Denominatorem, & Quotiens dabit integra. Dantur $\frac{24}{3}$. Dic 3 sunt in 24 octies, & habes 8 integra, idemque est ac si iuxta regulam diuideres 24, & 3 per 3, haberesque $\frac{8}{1}$. En aliud exemplum $\frac{17}{12}$ dant $1\frac{5}{12}$.

Operatio 7. Minutiam Minutiae addere. Has reuoca ad eundem denominatorem, & postea adde Numeratores. Dantur $\frac{2}{3}$ & $\frac{3}{4}$ facis $\frac{8}{12}$ & $\frac{9}{12}$ ac postea $\frac{17}{12}$.

Operatio 8. Minutiam ex data Minutia subtrahere. Has reuoca ad eundem Denominatorem, & postea Numeratorem subtrahere à De-

nominate. Dantur $\frac{2}{3}$ subtrahenda à $\frac{3}{4}$, facis exiis $\frac{8}{12}$ & $\frac{2}{12}$, & pro residuo $\frac{1}{12}$.

Operatio 9. Minutiam multiplicare per datam Minutiam. Duc Numeratorem in Numeratorem, & denominatorem in denominatorem. Dantur $\frac{2}{3}$ multiplicandæ per $\frac{3}{4}$ & facis $\frac{6}{12}$.

Operatio 10. Minutiam diuidere per datam Minutiam. Duc Denominatorem Diuisoris in Numeratorem diuidendi, & habebis Numeratorem Quotientis. Item duc Numeratorem Diuisoris in Numeratorem diuidendi, & habebis Denominatorem Quotientis. Dantur $\frac{2}{3}$ diuidendæ per $\frac{3}{4}$ & habes $\frac{8}{9}$.

Operatio 11. Minutiam datam reuocare ad datum Denominatorem. Fac regulam trium, vt Denominator datæ minutia ad Numeratorem

suam, ita Denominator datus ad suam Numeratorem, qui quæritur.

Dantur $\frac{3}{4}$ reuocandæ ad vigesimas siue Denominatorum 20. Dic si 4 dantur 20 quid? & habebis 15 pro Numeratore quæsito, eritque quæsitæ Minutia $\frac{15}{20}$ eadem cum $\frac{3}{4}$.

Operatio 12. Circa Minutias iunctas cum integris operari. Reuoca integra ad Minutias quibus iunguntur, & postea operare ex superioribus legibus. Dantur $4 \frac{2}{3}$ multiplicanda per $\frac{3}{4}$, fac ex $4 \frac{2}{3}$ $\frac{14}{3}$ & postea Minutias illas $\frac{14}{3}$ & $\frac{3}{4}$ multiplica, habebisque $\frac{42}{12}$.

Extractio radicis quadratæ.

EXtractio illa est inuentio, numeri, qui per se ipse multiplicatus redeat propositum numerum.

vel proxime minorem quadratum numerum. Dantur 100, & inuenitur 10, qui decies sumptus dat 100. Item dantur 100, & inuenitur 10, qui ductus in 10 dat 100 proxime minorem, cum maior proxime quadratus numerus sit 121.

Porro habenda sunt in promptu minora quadrata, siue digitorum, vt exiis cetera inueniantur. Sunt autem hæc.

1. 1
2. 4
3. 9
4. 16
5. 25
6. 36
7. 49
8. 64
9. 81

Regulam vero extrahendæ radicis sic illigamus versibus, vt facilius retineatur.

Primus, & alternus signatur, vt indice in illo

Noscatur moles radicis: singula deinde

Membraputas. Primi Quadratum tolle
abeodem,

Radiceque nota in Quotientem. Post
geminabis

Totum illum, & scribes punctum prope,
ut hoc tribuatur

Qui supra est numerus, punctoque ad-
scriberecentem,

Adque latus signa Quotientem; ut sin-
gula solus

Multiplicet, summamque ex summa de-
nique tollas.

Quæritur radix numeri 8797. No-

6	(9	tantur puncto pri- mus, & tertius, at- que hinc duo erunt characteres in radi- ce, & duo membra,
8797.		
.		
81		

& duæ operationes.

Primâ circa primum membrum
incipiendo à sinistra scribentis, sci-
licet 87: quæris maximum in eo
quadratum exallatis ante, estque
81, atque illud tollis ab 87, habes-
que 6 pro residuo, & inuenti qua-

in Arithmetica. 191

dati 81 radicem 9 ponis in loco

Quotientis.

Secunda sequitur circa sequens
membrum, & circa residuum supe-
rioris, scilicet circa 697. Geminas

697.	(93)	igitur Quotientem
183		totum scilicet 9, &
549		habes 18, quæ scribis

———— iuxta punctum, deinde per illa 18 diuidis superiorem illi numerum 69; & habes pro Quo-
tiente 3, quæ ponuntur ad punctum sub 7, & adduntur Quotienti. Po-
stea per nouum illum Quotientem 3 multiplicas totum superiorem nu-
merum in puncto, & iuxta pun-
ctum positum, scilicet 183, habes-
que 549, quæ subtrahis tandem à
superiori numero 697, vt habeas
residuum 148, & dicas radicem dati
numeri 8797 esse 93, cum superfluis
148. Cæterum si quæ occurrant dif-
ficultates, hæ soluantur ex legibus
in Diuisione allatis.

201 1461265

AD1 1461265

Pag. 178. lin. 6. 2. *pro* 23.

pag. 183. lin. 19. 8. *pro* 18


pag. 185. lin. *pro*antep. $\frac{24}{8}$ *pro* $\frac{24}{3}$


pag. 188. lin. vlt. *redeat pro* reddat.

pag. 189. lin. 4. 100. *pro* 110.









B. 91.

XXXIII
A. 14

BR
XX